

乾隆淮安府志

淮安府志風俗敘

自地氣有剛柔輕重燥濕之殊而民生其間衣服異制飲食異和械噐異宜各從其所便習於是風俗著焉蓋有數千百年不變者亦有運轉密移遲久而寢易者如北方之旃裘潼醪車騎馳騁南方之輕縑細葛魚稻爲食舟楫爲家此繫乎地氣數千百年不變者也如文翁之化蜀而馬楊崛起西南之儒雅齊于中夏西門豹史起之徒開渠引水民知灌溉而西北之農事倣乎東南此皆從前土風所未有豈非繫乎教化遲久而寢易者邪淮安介南北之交民之性情習尚近於南而能存敦

麗近於北而饒多文秀間嘗攷之詩書此地固所稱淮
夸也越千百年而風氣漸開衣冠文物之美傑然爲江
南名郡竊怪有明之季政散民流相率而趨獷悍如舊
志所云何其不善變也今

國家百餘年來教化之所漸摩四民皆出作入息仰父俯
子淮俗之醇實勝他郡記云修其教不易其俗齊其政
不易其宜願與此邦有志之士以禮維持之則風俗變
而益上尤望吾民勤操作務搏節庶幾乎起瘠振貧南
方之善俗則男耕女織北方之善俗則衣麤食糲悃悃
無華吾民其倣之乎慎毋滯心舍力爲不終日之計也

志風俗第十五



淮安府志卷之十五

風俗

一證舊俗

隋書志云人多輕剽士任氣節地理志云重禮教崇信義闡市或雜僇僞至于農忙顓固極矣元志云喜學問從教化雖兵革之餘猶有是心圖冊云漸漬聖化綽有餘風一統志云淮安之俗淳實尚義勇悍習戰中都志云士勤學問民務農桑有淳厚之風禮讓之俗南畿志云地大物衆細民弃本務末豪右亦頗崇華黜素府舊志云楚俗輕慆勁悍挾節負氣重然諾履信義士崇學

問人尚廉耻衣冠禮樂之美甲于東南然豪右競勢逐利以財力侈靡相雄長細民爭趨末利雖文物盛於前而渾厚之風少衰合觀衆說淮郡之風俗大較可觀蓋近鄒魯孔孟之鄉而臧太原之義烈徐節孝之篤行王侍御趙康州陸樞密之忠盡龔翠巖之介節皆與日月爭光足以興起百世此淮俗所以醇也武畧如韓侯後世無匹者至若文學之美則枚氏父子陳軍謀吉侍郎趙渭南張右史諸公後先彪炳其源遠其流長殘膏賸馥沾丐後人故淮郡號稱儒雅彬彬然質有其文與江東竝駕齊驅又按舊志調宣德正統間太保金公濂統

師南征至淮徒步過家出東仁橋市人分立公望而揖
之且叙曰衆鄉里不能一一踵門拜也大司徒沈公翼
往來故鄉陸行徒步水則乘舟方伯李公瓚僉憲宮公
安新正賀節攜手街行若未嘗有官爵者兩學儒生出
入長幼之序斯須不素途中遇鄉長讓避自成化四年
太守金公銑以體豐始用竹兜子兩人舁之大叅史公
敏從之由是漸變矣盱衡今昔前輩之風徽良可敬慕
又天啟志云棍魁串結良善罹殃通衢喇虎在地天罡
賭場有相識之稱水陸有三手之號花市之幫閑訟庭
之挂搭剝商剝賈股盡鎗銖脇勒勾攝濾窮骨髓痛哉

風俗之刑儆一至此乎我朝

列聖相承休養生息重以剔弊釐奸有司於月吉講約惟謹
旌別淑慝民知避就閭閻安堵無曩者之患風俗之轉
移豈不繫乎政治歟

一紀時令

正月元旦夜半起新衣冠禮神拜祖考燒燭焚香以紅
棗湯祀五瘟神爆竹燃柴薪松枝於庭院熾炭爐中子
弟僕從以次拜尊長曰見節出門向吉方曰迎喜神尊
卑互相拜曰賀節客至留飲曰飲節酒五日俗曰五忙
日晨起香燭爆竹如前七日爲人日八日爲穀日晴和

則喜十日試燈十五上元元宵節懸花燈松竹爲棚盛
則爲豐登之兆數日內市井子弟喬粧鬧市鉦鼓喧闐
爲龍燈獅子秧歌漁家樂之類士女沿街遊玩亦有打
燈謎者

古之賽
春社也

十六日之夕俗曰六子夜以艾火咒疾

病不吉等事於各門楹下點小燈日照六賊以脂粉花
果少許置穴傍爲鼠贈云一歲鼠不作耗閉戶歛跡六
街悄然婦人或度橋懷輒曰宜子二月二日爲龍擡頭
稚子蓄髮冠巾三日爲文昌誕辰士子多醵金爲會春
分後十五日爲清明

清明卽寒食爲冷節歷書云去冬
至一百五日爲寒食在清明後一

日是月也男女修坐掃墓携壺榼挂紙錢好事者踏青

聚飲童子以紙鳶爲戲

舊志云四月八日各寺僧尼爲

焚方出荷花始開畫船簫鼓競爲豪侈士夫駕小舟觴咏竟日今河道遷改西湖淤塞無復有此

五月

一日人家門戶懸將軍草

卽馬鞭草

雜野麥大蒜頭紅紬條

懸之曰辟惡氣五日爲端午天中節餽問以角黍佐以

甘蔗飲菖蒲雄黃酒嬰孩以綵繩繫臂戴艾虎黃冠爲

符篆送遺龍舟競渡簫鼓之聲不絕園亭設讌張燈士

女遊舫圍塞水面如是者數日十三日爲開帝會劇金

演戲

十五日阜甯爲城隍盛會他邑不聞有此

七月七日設瓜果乞巧俗謂

是夕天河隱覩其現日以知米價十五日爲中元節前

一日祀先祖八月十五日中秋節餽問以月餅佐以藕

麥晚祀月以果實九月九日重陽節士夫登高飲菊酒

以小麪羊紙旗置饌上相餽

宋東京稟糕遺製也

十月一日俗曰

十月朝亦於前一日祀其先祖十一月長至日惟官府

行慶賀禮先一夕俗曰冬蒙夜祀其先祖十二月八日

俗曰臘八以糯米赤荳雜果實為粥食之名臘八粥人

家醃臘二十四日古為交年節是夜民間祭竈又有祭

于前一日者印楮為竈馬曰送竈君上天剉草拌豆及

糟撒竈前曰為竈君秣馬祭竈君以飴糖果寔爆竹之

聲相聞先後蒸麪為饅首兼果肴相餽曰送年禮除夕

換桃符

卽神茶符壘遺意

春帖

紅箋為對聯

上挂爛門錢

五色楮為之懸

吉利各藥物雜青葱留陳糧蒸米爲飯量食至新拜家

堂祀祖考懸影于堂中封橋井挂紙錢祀門戶接甯君

卑幼拜尊長曰辭年家長分錢于卑幼曰壓歲聚飲守

歲燃柴薪松枝于庭院曰架松盆室中圍爐熾炭燈火

不息曰照歲燈六縣畧同此一歲之風俗也

一正俗禮

冠婚喪祭禮之大者載在會典家禮書儀家範可考而知也古人於冠禮筮賓醵子慎重其事今淮俗總角弱冠沿從其便提抱卽戴帽垂纓夫重以成人之禮彼將成人自勵也父兄之教不先子弟之率不謹冠禮久廢

非始基之失歟婚禮有六淮地僅行納采納幣屆期婿不親迎倩人代往此尤悖者又惑於年命艱于浮費以致嫁娶失時緣五方襟處豪商巨賈互相矜炫靡然從風更有鬧房喧譁惡俗不堪近日舊族寒門頗有敦質守素不受聘財而量備奩具者足矯浮夸之陋親迎奠雁于今復行其鬧房舊習亦稍知斂戢云子思曰喪三日而殯凡附于身者必誠必信勿之有悔焉耳矣今淮俗有喪者廣爲訃告務致多客不暇盡哀而先從事于張樂設饌以待親友何其舛也且飲用忤作蓋棺之夕例送靈魂名曰起程延浮屠作佛事名曰追荐守七則

賓朋滿座醉飽而歸近日守禮之家往往撤去鼓樂守
七非至戚勿往此亦風俗轉移之機也古人三月而塋
後世遷延時日多惑于堪輿家言淮人於擇地未爲太
甚然浮文縟節糜費良多出殯之日冥器紛列鼓吹導
擁盛設祭品預備客饌淮北諸邑甚且演戲開筵張皇
數日以此詘於貲財年久不能成塋生者欲求美觀死
者何殊暴骨攷淮俗之祭除忌日及埽墓外餘皆俗節
荐以時食非正祭也喪禮虞祭後卒哭小祥大祥禫皆
有祭至于正祭者時祭也家禮俱用四仲月上旬或丁
或亥或宜祭日然必先建祠堂以妥神主今淮人不立

家廟不藏祭器祀祖考於神佛旁小民無知至士大夫亦然殊可怪咲祠堂旣立而後冠婚喪祭可次第舉行也再攷王制六禮第五曰鄉禮卽溫公文公居鄉雜儀所謂獻酢之禮也夫居山以魚鱉居澤以鹿豕君子非之今淮俗乃有饌窮海陸者古人饗禮侑以音樂工歌三終今淮俗不惟鼓吹清唱而已有以梨園演劇爲豪舉者所謂賓主交敬豈在是歟第六曰相見今士大夫家禮見則如時節辭謝慶賀之類燕見則如候問唁慰質疑經過之類淮俗祝壽弔喪最爲勞擾生辰雖非大慶猶且僕僕往來至喪事則訃者貿然而投弔者亦率

然而應甚無謂也又其大不可者朋友相見不以講學
論文爲先而從事于圍棋葉子等戲夫羣居縱談已爲
廢時失事何況博奕諸凡戾於禮者不可不挽砥柱中
流存乎有志之士經明行修以身爲倡庶幾相觀而化
昔張檢討爲維持桑梓計言之詳矣茲特本其意而論
列之

一綜士民

士風舊志云先輩力學攻苦刻華務實邇來習染純駁
不均有篤志潛修者有譏隨世味者今按淮郡士
習獨爲醇謹所謂武斷鄉曲結交權要近亦鮮有其
人但志趨卑鄙學忘遠大往往陷於名利拘於詞章
不究性道之源罔敦忠孝之寔爲可慮也抑知學先
明道士貴修身徐節孝先生之篤行醇學在在可師

何今古之不相及耶

農業

舊志云斥鹵沮洳使田最少膏沃之畝多人富豪之室蓋藏之積率克于錢之家室如懸磬無怪迂

末者多耳嘗論黃淮交會伏秋水多西風不戒陸地成河終歲勤動付之洪波此地勢使然亦無可如何鹵莽滅裂不稼不穡男不桑麻女不蠶織傳仰無資公私交逼非天時之失收乃農人之不力若夫居亢營鑿灌之利近溺解排障之方先火耕而水耨復冬麥而夏秧勗女工於不懈喜農事之無傷殫三時之力作獲一歲之收藏舍哺鼓腹既壽且康熙熙然太平景象安得忽見於水鄉

工伎

舊志云恒產之民百無一二耕種之外巧黠者託跡公門鷲純者肩傭自給若執莠而擅奇巧者亦

稀女紅則鍼黹履舄之外若麻桌絲羅紡織無素傳也第水陸之衝四方輻輳百工居肆倍于土著

商賈

舊志云民憚遠涉百物取給于外商即有與販者白稻秫麥菽園蔬水鮮之外無聞焉若鹽饒之利

則皆僑寓有大力者負之而趨矣

一辯屬邑

鹽城

僻處海隅四方舟車不至稼穡而外以捕魚治鰓採薪織蒲爲業章經之士爭掇科第與山陽相埒

往昔布帛菽粟專尚節儉近則酒醪纂組踵事增華至其負氣健訟舊志所謂以法律爲詩書此風于今

革稍

阜甯

地界山鹽土俗與山鹽相類近日風氣漸開文物發盛地多流寓齊魯徽閩之人雜處趨向不一

清河

土田常罹水患多歉少收舊俗吉凶禮簡室服從朴器無華飾近滋奢侈仍次于淮

桃源

泗口末流民性質直負剽悍之氣有忠諒之風近日業儒者衆人知進取

安東

鹽鹺孔道土沃物豐生齒蕃庶士知學而民畏法近罹河患豐歉不常

淮安府志兵戎叙

淮南自昔爲用武之地以成王周公之賢聖而淮夷屢叛多方大誥見於周書宣王中與命召穆公尹吉甫平定淮浦江漢常武形於大雅蓋周都豐鎬去王化遠其獷悍不馴固其理也逮漢祖勃興豐沛淮南爲肘腋重地大封功臣及諸子以蕃屏王室然楚及荆吳江都廣陵數十年之間凡五易國民生其間戶口亦滋耗矣三國瓜分淮安獨爲魏有武帝以欲徙淮南民之故轉相驚恐十餘萬衆悉走入吳江淮之間不居者各數百里其地遂空晉武平吳始復還本復立射陽鹽城諸縣未

幾而淮北之地沒於劉石苻姚桓溫北伐常以山陽爲
休息駐兵之地當是時山陽爲大澤初未建設郡縣也
曹丕南伐廣陵還師至精湖水盡遂欲燒船於山陽池
中

山陽池
卽精湖

桓溫枋頭之敗收散卒屯於山陽旋自山陽

赴涂中圖後舉蓋其時淮安爲極邊鞠爲戰場地勢然
也宋武於義熙秉政始以山陽建立郡縣是時東矜廣
固西平關隴幾復舊物而繼體微弱旋失淮北至梁之
季重以侯景之難淮南亦爲齊有宣帝大舉北伐得於
齊而旋喪於周阻江爲境南北分疆至陳而又一變矣
唐置楚州設淮南節度天下常視以爲安危黃巢矚浙

閩踰江西陷廣東糜爛半天下時高駢爲淮南節度總
天下兵宜遮勿使渡檄諸道兵四面蹙之一舉可盡而
乃觀望養寇縱令渡淮遂至淪陷兩京唐室幾覆朱溫
虎視江南遣兵兩道南下楊行密一舉敗之於清口斬
龐師古走葛從周而東南半壁始獲安枕蓋淮安爲天
下腰膂常隔閼南北之勢徵諸往古良用顯然宋金分
疆以淮水中流爲界南北商賈幾至隔絕李全畔換倚
爲窟穴焚劫之禍民無孑遺至元之末造而劉福通張
士誠之徒竊踞十餘年莫之能正也明祖削平群盜號
稱承平中葉以後倭寇騷淮土尤甚廟灣一區莽爲

盜藪末年雖復設城置戍而邊備終疎我

朝渡淮兵不血刃黎民乂安至

世宗憲皇帝鑒前明之弊卽廟灣舊城設阜甯縣屹然爲海口重鎮俾東南數十州縣安居飽食永無兵革之事戰鬪之患維持鞏固嗚呼聖矣哉兵戎志第十六

淮安府志卷之十六

兵戎志

周

武王崩三監及淮夷叛周公相成王作大誥

史記周公奉成王命興師東伐作大誥遂誅管叔殺

武庚宣淮夷東土二年而克定

成王卽政淮夷又叛王伐之五月丁亥王來自奄至於

宗周作多方

孔傳周公歸政之明年淮夷奄又叛魯侯征淮夷作

費誓王親征奄滅其國

杜預云奄關不知所在鄭云奄蓋在淮夷之地○正義曰

當時淮夷徐戎並起爲亂與魯逼近故興師並征
成王恐魯不能獨平二國故復親往征之明是一
事也多方數諸國之罪云至於再至於三以武
王初崩已叛成王卽政又叛謂此爲再三也

費誓傳魯侯伯禽宅曲阜徐夷並興東郊不開作費

誓

費魯東郊之地名案春秋成九年城中城杜注
中城東海郡厚邱縣今爲江南海州沭陽縣沭陽

之東是爲淮安府地孔傳曰徐州之戎今
徐州地淮浦之夷今淮安地俱在東魯

宣王命召穆公平淮南之夷尹吉甫爲作江漢

江漢浮浮武夫滔滔匪安匪遊淮夷來求于疆于理

至于南海

孔氏穎達曰召公伐淮夷當在淮南魯僖
伐淮夷當在淮北○陳氏鵬飛曰淮夷之

地不一徐州在淮北揚州在淮南江漢常武二篇
同言淮夷以地理考之曰江漢之詩王命召虎者
是淮南之夷也若在淮北則江漢非從入之地矣
曰率彼淮浦省此徐土者是淮北之夷也若在淮

南則徐土非聯接之地矣○案淮之南北皆有夷以淮爲界今府所轄清河桃源安東三縣在淮之北係古徐州之城卽淮北之夷也山陽阜宜鹽城三縣在淮之南係古揚州之城卽淮南之夷也○嚴氏榮曰疆理之盡南海而止故曰至於南海

宣王自將伐淮北之夷召穆公美之作常武

王謂尹氏命程伯休父左右陳行戒我師旅率彼淮

浦省此徐土

胡肫明曰淮浦漢縣今江南淮安府安東縣也○嚴氏榮曰周興西北岐豐去

江漢最遠故淮夷難服周人經理淮夷用力最多成王初年淮夷同三監以叛其後又同奄國以叛伯禽就封又同徐戎以叛宣王命召公平淮南之夷又命皇父平淮北之夷南方之役至再至三淮夷平然後四方定也○朱氏公遷曰淮南易伐淮北難平故彼以召虎來求來鋪而遂克之此必須天子親征也

春秋僖十六年淮夷病卽齊桓公會諸侯於淮以謀卽

杜注淮在臨淮郡左右

時魯僖從桓公東略閭宮之詩美之曰遂荒大東至

於海邦淮夷來同莫不率從

案正義謂地之極東至海今鹽城安東俱在內

魯之東鄙至沐陽止此言其率從之國耳

春秋昭四年淮夷從楚靈王會于申秋七月從楚伐吳

秦

二世元年項梁渡淮黥布蒲將軍亦以兵屬焉凡六七

萬人軍下邳

案下邳今江南邳州舊屬淮安府今改屬徐州府

漢

高帝五年初定楚地徙封齊王信爲楚王淮南北皆屬焉

六年降封信爲淮陰侯居長安遂分楚地爲二國以

淮北封弟交爲楚王王薛郡東海彭城三十六縣

今淮

安之清河桃源安以淮南封從兄賈爲荆王王淮東

東三縣皆其境內

今淮安之山陽阜寧鹽城三縣皆其境內

十一年七月淮南王黥布反東并荆王劉賈地北渡

淮

是年以荆地封兄子濞爲吳王

漢書吳王濞傳濞王三郡五十三城

謂九江郡及會稽豫章郡也

及削吳會稽豫章郡書至則吳王先起兵

景帝三年吳王濞等七國同反渡淮與楚王遂西敗棘
壁軍乘勝而前銳甚急攻梁天子遣太尉周亞夫將
三十六將軍往擊吳楚太尉請於上願以梁委吳絕
其餉道乃可制於是吳攻梁急梁使使求救太尉守
便宜不肯往堅壁不出而使弓高侯等將輕騎兵出

淮泗口

卽今清河縣之清口

絕吳楚兵後食道吳兵饑數欲挑

戰終不出夜軍中驚內相攻擊擾亂至太尉帳下太
尉終臥不起吳兵饑餓乃引而去太尉出精兵追擊
大破之吳王乃與其戲下壯士數千人渡淮走丹徒

保東越東越王斬其頭以獻凡相攻守三月而破平
四年以吳地封子非爲江都王更爲江都國

漢書江都易王非傳非年十五有材氣上書請自擊
吳景帝賜非將軍印吳破徙王江都治故吳國傳子
建武帝元狩二年謀反自殺國除地入於漢爲廣陵
郡

武帝元狩六年以江都地封子胥爲廣陵王更爲廣陵
國

漢書廣陵厲王胥傳宣帝卽位坐子寶殺人及姦事
發覺繫獄棄市相勝之奏奪射陂草田以賦貧民

張晏

日射水之陂在射陽縣奏可又坐祝詛上以緩自殺死立六十

四年而誅國除

案漢書廣陵國註高帝六年屬荊國十一年更屬吳景帝四年更名江都武帝元狩六年更名廣陵又廣陵縣

註江都易王非廣陵厲王胥皆都此是都在廣陵今淮安府地其所兼轄也江都易王傳謂徙王江都治故吳國廣陵厲王傳奏奪王射陂田則兼有今淮揚二府之地

光武建武二年蓋延克劉永睢陽永奔譙延遂定沛楚

臨淮

案前漢書志臨淮郡所領有射陽鹽漬淮陰淮浦
四縣俱今淮安一府之地後漢書志臨淮郡明
帝永明十五年更爲下邳國是時尙未改下邳
也

三年劉永立董憲爲海西王五年龐萌反與憲連和

攻破彭城今徐州府七月帝幸沛進湖陵大破憲八月狗

彭城下邳吳漢進圍朐六年拔之斬董憲龐萌

案是時之下邳卽今邳州非東海下邳國也朐今

海州舊皆屬淮安府雍正年間陞海州爲直隸

邳州屬徐州府海西故屬東海今淮安府安東
縣地八年張步奔臨淮謀亡入海陳俊擊斬之
以祭彤爲襄賁令

彤遵從弟時天下郡國尙未悉平襄賁盜賊白日
公行彤至誅破姦滑殄其支黨數年襄賁政清增
秩一等

後漢書

順帝漢安元年廣陵盜賊張嬰等寇郡縣二千石不能
制以張綱爲廣陵太守綱單車之職徑詣嬰壘門請
相見嬰出拜謁綱好語之明日將所部萬餘人面縛
歸降

案廣陵郡卽故臨淮景帝置爲江都國武帝更爲
廣陵國後除爲郡所屬有射陽鹽漬二縣俱今
淮安府地据此則後漢之廣陵郡下邳國俱前
漢臨淮郡所分故廣陵郡所領之射陽鹽漬下
邳國之所領淮陰淮浦俱前漢之臨淮郡地只
襄賁縣前後漢俱屬東海郡

冲帝永嘉元年廣陵賊張嬰等復反攻殺堂邑江都長
註堂邑縣屬廣陵
郡今六合縣也

九江賊徐鳳等攻殺曲陽東城長冬十一月中郎將
滕撫擊張嬰破之

案漢曲陽縣今爲淮安府清河縣地應劭曰在淮
曲之陽後漢屬下邳國後廢自晉至唐爲泗州
清河口地宋紹興中屯重兵於此度宗咸淳九
年置爲縣

獻帝興平元年曹操復攻陶謙拔五城略地至東海破
劉備軍遂攻拔襄贛

案漢襄贛縣屬東海郡今爲淮安府安東縣

二年劉備領徐州刺史屯小沛時呂布爲曹操所攻
奔備建安元年布襲備取下邳備奔操三年操東擊
布屠彭城進至下邳大破之

案後漢志徐州刺史部郡國五東海郡琅邪國彭城國廣陵郡下邳國而東海領襄贛廣陵領射陽鹽漬下邳領淮陰淮浦曲陽今清河實爲今淮安全府之地

三國魏

黃初五年文帝幸廣陵泗口

卽今清口

命荆揚州諸軍並進

伐吳

三國志蔣濟傳車駕幸廣陵濟表水道難通帝不從於是戰船數千皆滯不得行議者欲就留兵屯田濟以爲東近湖北臨淮水盛時賊易爲寇不可留屯車

駕遂還到精湖水稍盡盡以船付濟濟更鑿地作四
五道蹴船令聚豫作土豚遏斷湖水皆引後船一時
開退入淮中帝還洛陽謂濟曰事不可不曉吾前決
謂分半燒船於山陽池中得卿之策實入吾意

案此山陽之名始見於史縣之所由得名也潛邱
劄記云文帝欲燒船於山陽池中通鑑池作湖
卽精湖戴延之西征記山陽津名池也湖也津
也一也蓋以水名爲縣名者故孔衍爲廣陵郡
石勒常騎至山陽桓溫伐燕回屯散卒於山陽
是時未置郡縣山陽地名久已著聞通典不知

謂吳王濞反山陽王率衆於此禦之因名濞反
時漢尙無山陽王山陽王立在後此十年

又案淮安於三國之世獨無兵革以其地全爲魏
有孫氏戰爭多在濡須合肥故也蔣濟鑿池甃
船及作土豚而吳人不聞追襲者師已還入本
境故得從容爲計若在接界則坐受縛矣卽此
可以知吳魏之分界

晉

元帝大興中孔衍出爲廣陵太守郡隣接石勒衍教授
後進不以戎務廢業石勒常騎至山陽以衍儒雅之

士不得妄入郡境

明帝太甯初兗州刺史劉遐自彭城移屯泗口王含反遐隨溫嶠追含至於淮南以功遷監淮北軍中郎將徐州刺史代王達鎮淮陰

穆帝永和中荀羨除北中郎將徐州刺史監徐兗二州諸軍事羨至鎮發二州兵使叅軍鄭襲戍淮陰羨尋北鎮淮陰屯田於東陽之石鼃將帥師北討其表略曰淮陰舊鎮地形都要水陸交通易以觀釁沃野有開殖之利方舟運漕無他屯阻於是始營立城池

哀帝隆和元年庾希以北中郎將徐兗二州刺史吳國

內史屯山陽

廢帝太和四年十月桓溫敗於枋頭收散卒屯於山陽

十一月溫自山陽及會稽王昱會於涂中今滁將謀

後舉案山陽立郡縣始晉安帝義熙中是時劉裕專

制故宋書地理志備列而晉志無之然山陽之名見

於列傳者已如此

孝武太元三年秦王堅遣將南侵

前秦載記太元三年使將軍俱難李邵保等步騎七

萬寇淮陰盱眙彭超寇彭城四年二月陷彭城並陷

淮陰留邵保戍之與超會師而南彭超陷盱眙遂攻

三阿謝元自廣陵來救超。大敗退保盱眙。六月元進
攻之。又敗退屯淮陰。元遣何謙之率舟師乘潮而上。
焚淮橋。又與難等合戰。斬其將邵保。難超退師淮北。
秦以毛當鎮彭城。

宋

孝武初索虜寇清口

南齊書焦度傳虜遣清水公拾貲敕文寇清口度領
軍赴援刺虜騎將豹皮公墮馬獲其具裝鎧稍手殺
數十人孝武帝召還充左右

明帝泰始二年薛安都以彭城降魏

宋書明帝廢子業自立進徐州刺史薛安都爲安北將軍安都不受命遣從子索兒寇淮陰山陽太守程天祚舉城叛帝遣申令孫爲徐州刺史代安都令孫復投奔索兒索兒引軍渡淮帝遣齊王蕭道成率張永及蕭順之等北討索兒率馬步五千列陳距戰進擊大破之索兒走死天祚據郡攻圍隔年然後歸順安都亦遣使送款而帝以四方已平欲示威於淮北遣張永沈攸之以重軍迎之安都懼不免罪以彭城降魏十二月安都要引魏軍魏遣將軍尉元將二萬騎救之張永攻彭城不克魏將尉元絕永糧道大破

永等於呂梁之東時值寒雪士衆墮指十二三遂失
淮以北青冀徐兗四州及豫州淮西之地於是以鍾
離置徐州淮陰爲北兗而青冀二州治贛榆之縣時於
廣陵置南兗
故此爲北兗

是年冬以沈攸之爲使持節假冠軍將軍行南兗州刺
史貞陽縣公屯淮陰

宋書本傳明帝泰始二年攸之與魏戰退還淮陰免
官以公領職復求進討上不聽入朝面陳不許復歸
淮陰三年六月自率運送米下邳並鑿四周深塹遣
龍驤將軍垣護之領民口還淮陰時虜遣清泗間人

詐告攸之云安都欲降求軍迎接攸之語曰薛徐州
但遣子弟一人來便當遣大軍相迎不爾無爲空勞
往還虜計不行其年秋帝復命攸之進圍彭城攸之
以清泗旣乾糧運不繼固執以爲非宜往返者七帝
大怒詔曰卿春中求伐彭城吾恐軍士疲勞且去冬
疲散人心未宜復用不許卿所啟今便不肯爲吾行
耶卿若不行便可獨使吳喜攸之不得已進軍上尋
悔追軍令反攸之還至下邳而下邳軍主陳顯達於
睢口已爲虜所破虜急追攸之攸之棄衆南奔時八
月十八日也自薛安都反叛張永與攸之北討永一

奔攸之再敗迄無尺寸功

案張永之敗彭城宋書諸傳皆云泰始三年正月而南史明帝紀云二年十二月据此詔云卿春中求伐彭城又云去冬奔散且本傳亦云時值寒雪士衆墮指十二三則彭城之敗爲去年十二月無疑當從南史

泰始三年以蕭道成爲假冠軍將軍持節都督北討前鋒諸軍事鎮淮陰

南齊帝紀張永敗於彭城淮南孤弱以太祖持節都督諸軍事鎮淮陰泰始三年沈攸之吳喜復敗於睢

口諸城戍大小悉奔歸拓拔遂進至淮北圍角城戍
主賈法度力弱不敢諸將勸太祖渡岸救之不許遣
軍主高道慶將數百張弩浮艦淮中射城外虜弩一
發數百箭俱去虜騎相引避之乃命進戰城圍卽解
遷督南兗徐二州諸軍事南兗州刺史五年進督兗
青冀三州是時新失淮北始遣上北戍不滿千人每
歲秋冬間邊淮騷動恒恐寇至上廣遣偵候安集荒
餘又營繕城府衆心稍安作塞客吟

雜見南齊書蘇
侃傳時蓋以淮

爲極邊也南宋人詩云翠樓樓浙右
紫塞僅淮陰南北分疆往往如此

案南兗州係廣陵單稱兗州卽北兗係今淮安地

是年勅劉懷珍權鎮山陽

南齊書劉懷珍傳青州刺史沈文秀拒命與薛安都相結明帝遣其弟文炳宣諭使懷珍領馬步三千人隨文炳俱行未至薛安都引虜徐兗已沒張永沈攸之於彭城大敗勅懷珍步從盱眙濟淮救永等而官軍爲虜所逐相繼奔歸懷珍乃還三年春勅懷珍權鎮山陽其秋虜遂侵齊圍歷城梁鄒二城游騎至東陽擾動百姓朝廷以懷珍爲使持節都督徐兗二州軍事督水步四十餘軍赴救二城旣沒乃止

南齊

高帝建元二年詔移東海郡治漣口又於石鼈立陽平郡

南齊書周山圖傳時淮北四州起義上命山圖自淮入清口倍道應援會義衆已爲虜所沒山圖拔三百家還淮陰表移東海郡治漣口又於石鼈立陽平郡皆見納

案石鼈在今山陽盱眙之間漣口卽漣水今爲安東縣

南齊書李安民傳太祖卽位之元年虜又南侵詔安民持節履行緣淮清泗諸戍屯軍虜攻朐山漣口甬

城安民頓泗口分軍應赴三年引水步軍入清於淮陽與虜戰破之虜退安民知有伏兵乃遣族弟長文帥二百騎爲前驅自與軍副周盤龍等繼其後分軍隱林長文至宿豫虜見衆少數千騎遮之長文且退且戰引賊向大軍安民率盤龍等合擊虜大敗赴清水死不可勝數是時淮北四州聞太祖受命咸欲南歸至是徐州人桓標之兗州人徐猛子等合義衆數萬柴險求援太祖詔安民赴救留遲虜急攻標之等皆沒

是年虜寇淮泗南兗州刺史王敬則委鎮還都百姓

皆驚散詔以陳顯達爲南兖州刺史鎮之

南齊書王敬則傳建元元年山敬則爲使持節都督南兖兖徐青冀五州軍事南兖州刺史二年虜寇淮泗敬則恐委鎮還都百姓皆驚散奔走上以其功臣置不問

又陳顯達傳建元二年虜寇壽陽淮南江北百姓騷動上以顯達爲使持節都督南兖兖徐青冀五州諸軍事南兖州刺史之鎮虜退上勅顯達曰虜今破散理無復犯但國家邊防自應過存備豫宋元嘉二十七年江夏王作南兖徙鎮盱眙沈司空亦以孝建初

鎮彼政當以淮上要於廣陵耳

觀此二傳則似敬則奔還後卽以顯達代之特史未明言其交代之故耳

武帝永明五年甬城戍將張蒲引虜入清口

南齊書周盤龍傳張蒲與虜潛相構結因大霧乘船入清口採樵載虜二十餘人藏伏旁下直向城東門防門不禁仍登岸拔白爭門戍主皇甫仲賢率軍主孟靈寶等三十餘人於門拒戰斬三人賊衆被創赴水而虜軍馬步至城外已三千餘人阻擊不得進淮陰軍主王僧虔等領五百人赴救虜衆乃退

梁

武帝天監七年冬十月詔大舉北伐以始興王憺爲平

北將軍率衆入清口

梁書帝紀

敬帝紹泰元年冬十月丙子任約徐嗣徽舉兵反乘京
師無備竊據石頭城十一月庚辰齊楚州刺史劉仕
榮淮州刺史柳達摩帥衆赴約入於石頭

案東魏孝靜武帝中乘間盡取梁江北郡縣魏以
楚州治鍾離今鳳陽府臨淮縣淮州治懷恩今
淮安府山陽縣此時淮南已盡屬於高氏

淮安南北互爭莫甚於梁陳之世梁武帝以太清

三年爲侯景所弑諸州刺史俱以城降魏太清三年東魏孝靜武定之七年也明年魏亦禪位於齊陳武帝文帝時淮南俱屬於北宣帝太建五年齊克復十一年復爲周所陷

魏

魏帝紀武定七年三月侯景克建業還以蕭衍爲主衍弟子北兗州刺史定襄侯蕭祗來降衍江北郡國皆內屬四月侯景殺蕭衍明年魏亦禪位於齊爲高洋天保元年

案梁北兗州鎮淮陰

陳

宣帝太建五年命征北大將軍吳明徹等總統諸軍北伐齊

陳書吳明徹傳先是侯景之亂淮南之地盡沒於齊至是議北伐公卿互有異同明徹決策請行詔統衆軍十餘萬發自京師沿江城鎮相續降款遂克壽陽斬王琳八月乙未山陽城降十一月甲戌淮陰城降盡復淮南舊境詔齊改郡爲縣者並復之

九年復命吳明徹進軍北討

陳書宣帝紀授明徹南北兗南北青譙五州諸軍事

北兗今淮安府會周氏滅齊高宗將事徐兗復統軍北伐大

破周徐州總管梁士彥於呂梁

十年衆軍敗績於呂梁

陳書吳明徹傳周遣大將軍王軌將兵救呂梁輕行
自清水入淮口橫流豎木以鐵鎖貫車輪遏斷船路
明徹退軍至清口水勢漸微舟艦並不得渡軍不戰
自潰明徹窮蹙爲周軍所執

十一年周人遣軍來侵淮南諸州皆陷

陳書宣帝紀十一月甲午周遣柱國梁士彥率衆至
肥口戊戌進圍壽陽豫州霍州相繼陷十二月乙丑

南北兗晉三州及盱眙山陽陽平馬頭秦歷陽今和州

沛北譙南梁九州並自拔還建業自是淮南之地盡

沒於周矣

隋

煬帝大業十一年東海賊帥李子通擁衆渡淮自號楚

王寇江都

案隋書志江都郡山陽縣開皇十二年置楚州

唐書李子通傳宇文化及以陳稜爲江都太守已而
稜降高祖卽守其郡子通攻稜遂取江都據之

恭帝義寧二年杜伏威上表請降詔以爲東南道大總

管封楚王繼又獻款於唐高祖授以東南道行臺尚書令江淮安撫大使上柱國吳王子德俊爲山陽公伏威遣兵會取王世充之梁郡擒李子通於杭州破汪華於歙州盡有江東淮南地

唐

中宗嗣聖元年李敬業舉兵於揚州以匡復廬陵王爲

名楚州司馬李崇福以山陽安宜

今寶應縣

鹽城三縣歸

於敬業

唐書李敬業傳敬業初起兵魏思溫勸直趨洛陽天下指日可定敬業聽司馬璋計規先取金陵爲固乃

使其弟欽猷屯淮陰韋超屯都梁山思溫曰敬業不知掃地渡淮先襲東都吾知無能爲也武后遣大將軍李孝逸將兵三十萬往討敬業別遣黑齒常之進擊淮陰都梁敬業戰敗奔潤州將入海爲其下斬以獻

肅宗上元元年揚州長史劉展反擁兵二萬渡淮淮南節度使鄧景山與戰於淮上敗績

案唐書方鎮表淮南節度使至德元載置領揚楚滁和壽廬舒光蘄安黃申沔十二州治揚州楚州今淮安府

僖宗乾符六年徙高駢爲淮南節度副大使

唐書時王仙芝已死餘黨更推黃巢爲主掠淮南爲
曾光裕所敗乞降復叛轉寇浙東踰江西破虔吉饒
信等州因刊木開道七百里直趨建州閩地諸州皆
沒已而陷桂管進攻廣州時駢爲鎮海節度使建遣
將張滂扼賊西路留後王重任以兵八千並海進援
循潮自將萬人由大庾擊賊廣州帝納其策而駢卒
不行俄徙淮南募兵得銳士七萬傳檄召天下兵討
賊天子倚以爲重廣明初滂襲賊大雲倉賊大奔會
疫癘起賊死亡略盡巢大懼以書丐歸命駢信之許

爲求節度時諸鎮兵數萬赴淮南駢欲專已功奏賊
已平不須大兵有詔班師賊聞卽急擊殺漣乘勝渡
江攻天長駢欲縱賊以聳朝廷畢師鐸諫曰朝廷所
恃誰易公者制賊要害莫先淮南今不據要津以滅
賊使得北渡必亂中原駢欲出師入方士呂用之言
而止第嚴兵保境巢據滁和逼揚州駢將曹全最以
兵五千戰不利走壁泗州以待援駢兵終不出賊遂
北趨河洛兩京淪陷皆駢專兵縱賊之所致也賊平
後駢悵快失望適篤意神僊以軍事委用之有蕭勝
者求爲鹽城監納賄用之駢初不許用之言鹽城有

寶劍須真人取之非勝不可數月獻銅七首曰此北
帝所佩駢寶秘之其謬妄多此類駢不悟卒用此以
至於死駢專制淮南凡九年死後淮南貨貨山積爲
亂兵所剽略盡

光啓三年淮南節度使高駢死天子以朱全忠兼淮
南節度使

五代史時時溥已爲東南面都統又以王統行營王
乃上書論溥討蔡無功而不落都統欲激怒溥以起
兵端會高駢死淮南亂楚州刺史劉瓚來奔納之王
欲攻徐乃遣朱珍將兵數千聲言送瓚還楚州以挑

溥溥怒論已又聞珍以兵來果出兵以拒珍與戰大敗之取其豐蕭二縣

昭宗龍紀元年孫儒攻楊行密於揚州淮南大亂

大順元年梁遣驍師古渡淮攻孫儒於淮南大敗而還

景福元年楊行密取楚州天子以行密爲淮南節度使唐書三月乙巳楊行密陷楚州執刺史劉瓚五代史孫儒自逐行密入廣陵久之亦不能守乃焚其城驅衆渡江凡五十萬以攻行密諸將遇之輒敗用劉威計背城堅柵以不戰疲之儒兵饑且大疫一戰斬

淮步所志 卷之二十一
三
儒復入揚州分遣田頔等攻掠自淮以南江以東諸
州皆下之淮南被兵六年士民轉徙幾盡行密招撫
流散輕徭薄賦未及數年公私富庶

十國春秋吳本紀景福元年三月徐州時溥遣兵三
萬南侵至楚州夏四月張訓李德誠敗徐兵於壽河

俘斬三千級遂取楚州執其刺史劉瓚

新唐書作三月乙巳今從

十國紀年壽河在山陽縣治東南五十里

二年四月楊行密取壽州及漣水

今安東縣

十國春秋行密命將襲陷漣水令張訓守之

四年梁兵兩道攻淮南行密大敗梁兵於清口

五代史九月梁遣龐師古出清口葛從周出安豐行
密遣朱瑾先擊清口決水灌之梁兵不能戰遂殺師
古從周行至濠州聞師古死遽還至潁河將渡而淮
兵來追從周亦大敗自高駢死唐以梁兼統淮南遂
與孫楊爭凡三十年間三舉而三敗

十國春秋秋七月朱全忠遣龐師古以徐宿宋滑之
兵壁清口將趨揚州葛從周以兗鄆曹濮之兵壁安
豐將趨壽州境內震恐冬十月王與朱瑾將兵三萬
拒汴軍於楚州別將張訓自澠水引兵會焉王以爲
前鋒師古營於清口或言營地汙下不可久處不聽

恃衆輕敵瑾壅淮上流欲灌之有奔告師古者師古以戒衆斬之十一月癸酉瑾與裨將侯繼將五千騎潛渡淮水用汴人旗幟自北來趨其中軍張訓踰柵而入士卒蒼黃拒戰淮水大至汴軍殊駭亂王自引大軍濟淮與瑾等夾攻之汴軍大敗斬師古及將士首萬餘級餘衆悉潰

周

世宗顯德四年復親征淮南

五代史南唐世家周師連克壽州濠州鼓行而東所至皆下十二月唐兵退保清口

淮安府清河縣有清口驛周主自

將親軍自淮北宋太祖步騎自淮南諸將以水軍自
中流共追唐兵至楚州西北大破之屯於楚州之北
門

宋史太祖本紀南唐屯清口太祖從世宗翼淮東下
夜追至山陽俘唐節度使陳承昭以獻遂拔楚州

五年克楚州遂盡取淮南之地以江爲界

正月周主欲引戰艦自淮入江阻北神堰在淮安府城北不

得渡鑿鶴水在淮安府城西名老鶴河以通其道巨艦數百艘皆

達於江周師攻楚州守將張彥卿鄭昭業城守甚堅
攻四十日不能拔世宗親督兵以洞屋穴城而焚之

城壞彥卿昭業戰死所部千餘人無一降者周兵怒

甚殺戮殆盡二月周主發楚州三月如迎樂鎮今揚州府

儀徵縣至江口擊唐軍大破之時淮南惟廬舒斬黃未

下唐主表獻四州淮南悉平

宋

高宗建炎三年正月韓世忠軍潰於汴陽世忠奔鹽城

二月金人犯楚州守臣朱林降謀報金兵至帝披甲

馳幸鎮江府

三月苗傅劉正彥反改元明受韓世忠自鹽城收散

卒至平江今蘇州府張俊假兵二千赴行在時帝在揚州四年

五月以趙立爲楚泗州漣水軍鎮撫使九月金人陷楚州趙立死之

宋史忠義傳立結鄉兵復徐州朝廷命權知州事會金圍楚州急立將所部兵赴援連七戰勝而後達楚兩頰中流矢不能言以手指麾詔以立守楚州明年正月金人攻城立命撤廢屋城下然火池壯士持長矛以待金人登城鈎取投火中金人選死士突入立又搏殺之乃稍引退五月兀朮北歸假道於楚立斬其使兀朮怒絕楚餉道立引兵出戰大破之會朝廷分鎮以立爲泗州漣水軍鎮撫使兼知楚州與金人

戰金人以鐵騎數百橫分立陣而圍之立持挺大呼

突圍金人落馬者不知數會承州陷楚勢益孤

案本紀是

年升高郵軍爲承州

遣使告急朝廷趙鼎曰江東全藉兩淮失

楚則大事去乃命劉光世督淮南諸鎮救楚東海李

彥仙首以兵至淮河扼不得進高郵薛慶至揚州轉

戰死光世將王德至承州下不用命揚州郭仲威按

兵天長陰懷顧望獨海陵岳飛僅能爲援而衆寡不

敵金知外援絕圍益急九月攻東城飛砲中立首而

死金人疑立詐死不敢動越旬餘城始陷

十月秦檜自楚州金將撻懶軍中歸於漣水軍

宋史姦臣傳初二帝北遷檜與孫傳何果司馬朴從至燕山以厚賂達粘罕會金主以檜賜其弟撻懶爲任用撻懶攻山陽建炎四年十月甲辰檜與妻王氏及婢僕自軍中取漣水軍水砦航海歸行在入見卽拜禮部尚書檜首奏所草與撻懶求和書始倡和議檜之歸也自言殺金人監已者奪舟而來朝士多疑檜與果傳朴同拘安得獨歸又自燕至楚二千八百里踰河越海豈無譏訶之者安得殺監而南縱令暫歸必質妻屬安得與王氏偕蓋檜在金庭結成和議故撻懶縱之使歸也又粘罕行軍至淮上檜嘗爲草

檄爲其左右室撚所見後洪皓自金歸致室撚語檜
意南人莫有知者聞皓語恨刺骨遂落皓職

紹興元年夏四月劉光世復楚州詔呂頤浩朱勝非

劉光世並兼淮南諸州宣撫使

是年移
譚臨安

案宋史地理志山陽郡山陽鹽城二縣俱云建炎
間沒於金紹興元年收復而高宗本紀載是年
劉光世復楚州可云脗合第檢光世傳無復楚
州事豈人名之誤耶

四年秋七月金粘罕致書約淮南毋得屯兵

宋史傳九月金齊合兵自淮揚分道來犯壬申渡淮

楚州守臣樊叙棄城遁韓世忠自承州退保鎮江府
十月定策親征十二月庚子金人退師

五年春正月免淮南官吏去職之罪仍令還任統領
仲諒復入楚州是月金主晟殂撻懶主國卒成和議
十月乙丑僞齊兵寇漣水軍韓世忠遣統制呼延通
擊敗之

六年春正月以韓世忠爲京東淮東路宣撫制置使
置司楚州

宋史傳世忠披草萊立軍府與士人同力役夫人梁
氏親織簿爲屋將士有怯戰者世忠遺以巾幘設樂

大宴俾婦人粧以恥之故人人奮厲撫集流散通商
惠工山陽遂爲重鎮

二月韓世忠引軍渡淮

宋史傳時張浚以右相視師命世忠自承楚進圍淮

陽今宿遷縣劉豫方聚兵淮陽世忠引兵直扼城下爲賊

所圍世忠一躍潰圍而出別將呼延通與金將牙合
孛堇戰禽之乘銳圍淮陽城賊堅守不下兀朮與劉
猗皆至尋詔班師世忠復歸楚州

三月金齊兵犯漣水軍世忠擊敗之

十月邊報急世忠復引軍渡淮

宋史傳時諸將多議退守或請益兵張浚曰今日之事有進無退世忠渡淮與金將訛里也力戰劉猗將寇淮東爲世忠所扼不得進

七年韓世忠徙屯鎮江尋復留屯楚州

宋史傳初世忠移屯山陽遣間結山東豪傑約以緩急爲應多願奉約束會金人廢劉豫世忠謂機不可失乞全師北討爲恢復計而秦檜主和議徙世忠屯鎮江世忠言金人詭詐恐以計緩我師乞留此軍蔽遮江淮後果渝盟如其言

閏十月韓世忠引兵渡淮逆擊金人於劉冷莊敗之

十二月命韓世忠留屯楚州屏蔽江淮

九年春三月金使蕭哲等至淮安定和議禮儀交河
南陝西地

宋史帝紀哲等既入境接伴使范同再拜問金主起居軍民見者往往流涕至淮安言先歸地徐議餘事
檜至是欲上行屈已之禮帝不可先是金以詔諭江南爲名檜恐物諭咎已乃與哲等議改江南爲宋詔
諭爲國信軍民洶洶檜黨謂得書納之禁中則禮不行而事可定又舉諒陰三年不言事告檜於是定檜
攝冢宰受書之儀帝亦切責王倫金使亦懼而從之

世忠發憤上疏願舉兵決戰既而伏兵洪澤鎮將殺

金使不克

府志洪澤鎮在淮安府清河縣治東南六十里今陷入湖中

十年金復敗盟南下

初韓懶倡議以劉豫廢地與宋而兀朮持不可既而

韓懶被誅兀朮請復取河南陝西地分四道入寇所

交割地尋復陷沒八月世忠圍淮陽金人來救世忠

迎擊於泖口鎮敗之

泖口鎮在邳州西北四十里

閏八月世忠遣

統制王勝王權攻海州克之金人來救王權等逆戰

敗之

十一年與金人復定和議以淮水中流爲界

世忠與金人戰於淮岸金人自渦口渡淮北去自是不復入侵世忠在楚州十餘年兵僅三萬而金人不敢犯會秦檜專主和議收三大將權四月拜樞密使解兵權遂以所積軍儲歸於國世忠既去冬十月金人陷泗州遂陷楚州十一月兀朮遣使來定和議約以淮水中流畫疆割唐鄧二州界之稱臣奉貢歲奉銀二十五萬兩絹二十五萬疋休兵息民各守境土是年爲金熙宗亶皇統元年

宋末此時以淮安爲極邊楊萬里望楚州新城詩云全盛向來皆孔道雜耕今是一雄藩王清叔淮安州詩云喉襟關重地鼓角動邊樓足知當日之疆界矣

三十一年魏勝起兵渡淮取漣水軍

紹興定界漣水軍以在淮北屬金是年金主亮將南
侵籍諸路民爲兵勝躍曰此其時也聚義士三百北
渡淮取漣水軍宣布朝廷德意不戮一人漣水軍翕
然以聽遂取海州

九月金主造浮梁於淮水之上自將來攻兵號百萬
劉錡引兵次淮陰金人將自清河口入淮錡列兵於
運河岸以扼之

冬十月劉錡遣兵渡淮及金人戰死者什七八旣聞
王權遁自淮陰引兵歸揚州

十一月金人弒其主亮於揚州遣人來議和十二月
丙午王選復楚州

孝宗隆興二年以議和撤海州戍命魏勝知楚州

詔勝同淮東路安撫使劉寶知高郵軍劉敏措置
討軍楚州一帶而勝專一措置清江口

是年魏勝戰死劉寶棄楚州遁楚州復陷

時和議尙未決金人乘其懈以舟載器甲糗糧詐稱
欲運糧往泗州由清口入淮勝知其謀欲禦之劉寶
以方議和不許金騎輒境勝接戰自卯至申勝負未
決金兵益增勝告急於寶寶在楚州相距四十里迄

不發一兵勝以無救轉戰至淮陰東十八里中矢墜
馬死州遂陷時十一月乙酉

十二月復與金人議和仍以淮水中流爲界誓曰大
略與紹興同

丙申遣大通事王抃持書如金帥府請正皇帝號爲
叔姪之國易歲貢爲歲幣減十萬割商秦地歸被俘
人皆得其報書以歸丙子復遣王抃奉使金國金遣
使來迓和議復定十二月丙申制曰正皇帝之稱爲
叔姪之國歲幣減十萬之數地界如紹興之時

案宋
帝紀

贊曰易表稱
書改臣稱姪

宋史紀事本末卷之二十一
宋宗開禧二年金湖沙虎自清河口渡淮圍楚州

時韓侂胄以金國多難定議伐金師出數敗公私之力大屈三年史彌遠密謀誅侂胄嘉定元年三月詔
函侂胄首畀金金復還淮陝侵地

嘉定十年李全取金漣水軍來歸詔授全京東副總
管隆興定議後漣水軍復屬金時元兵破中都金主
亶汴羣盜蜂起全與兄福聚衆數千取漣水來歸是
年全與其黨季先攻克海州以糧援不繼退屯東海
尋分兵襲破莒州又克密州青州故有此授
十一年秋李全徙屯淮陰

五月己丑全軍至漣水邀季先白事楚州取器用金穀議再攻海州知楚州應純之厚勞全六月全圍海州不克分兵襲密州禽經歷黃桐械送楚城是秋進屯淮陰之龜山

十二年李全以功進京東總管徙屯楚州

三月金人犯揚州之天長真州之六合李全自楚州季先自漣水軍各引軍來救金人解去全追敗之於曹家莊二圍俱解六月全招降金元帥張林以山東十二州來歸朝廷因進官徙屯楚州會季先死全求併將漣水軍制置使賈涉許之全以楚州漣水爲窟

穴自此始

理宗寶慶元年李全遣其黨劉慶福焚楚州制置使許國走死

時全自屯青州而留其妻楊氏統忠義軍駐楚州賈涉不能制以疾求去甚力被召幸朝廷因以許國代之國欲傾涉久及是之鎮楊氏郊迓辭不見盛氣以挫抑之全自青州來謁坐受全拜不爲止全怒而懼國苛留更爲虛禮以悅其意動息必請得請必拜國大喜許全往青州全潛遣慶福還楚城使爲亂一日視事忽露刃充庭流矢及頸踰城走縊死於道焚却

一空

三年二月李全党復焚楚州逐制置使劉瑋

初許國走死代之者爲徐晞稷晞稷懲國前事至以恩府稱全党稱楊氏朝廷更用劉瑋代之瑋至楚州以鎮江兵三萬自隨有夏全者亦從山東歸附彭牝激使入城圖賊領兵徑入楚城瑋不得已就之謀令夏全盛陳兵楚城賊黨震恐而全妻楊氏遣人行成於夏全更盛飾出迎與按行營壘逮夜卽留寢與之私全卽更謀逐瑋二月辛卯夏全使賊党圍州治焚官民舍瑋縋城走僅以身免鎮江軍與賊戰死者

大半

六月李全兄福復作亂逐制置使姚玿

三月玿代瑄知楚州辟鄭子恭杜耒爲幕客檣舟城東以治事楊氏許玿入城乃入六月福與楊氏謀召

玿飲以玿命召諸幕客耒朝服至八字橋

在山陽縣治西北

福兵腰戮之玿去須鬚絕城西夜走耒幾死朝廷以淮亂相仍遣帥必斃莫肯往始欲重江而輕淮楚州不復建閫改楚州名淮安軍命通判張國明權守若羈縻州然

十月李全自青州復入淮安殺張琳併殺時青

時賊將國安用張林等謀殺福及全妻楊氏以自效
乃帥衆趨楊氏家手刃福並殺全次子通殺一婦人
以爲楊氏函首驛送京師朝廷大喜檄彭牝張惠范
成進時青併兵往楚州便宜盡戮餘黨牝爲惠成進
二人所紿縛之降金金自是窺淮東益急朝議方命
諸將聽青區畫而青恐禍及已密遣人報全於青州
時全已降元得青報慟哭求南歸報仇十月全至楚
州殺張林邀青及張國明於淮陰盡殺青及其妻子
併其兵徙其半於漣水

紹定三年三月李全兵數萬寇鹽城陷之

全羅麥舟過鹽城權制置翟朝宗喉尉兵奪之全怒
以捕盜爲名水陸數萬徑擣鹽城戍將皆遁全入城
據之揚言於朝稱遣兵捕盜過鹽城令自棄城遁去
慮軍民驚擾未免入城安衆乃加全兩鎮節令釋兵
全曰朝廷待我如小兒啼則與果不受而朝廷猶遣
餉不絕全得米卽轉輸入鹽城以贍其衆又遣人造
浮梁於喻口在鹽城縣治北一百二十里以便鹽城來往又開馬
邏港壽河馬邏港在山陽縣治東北九十里通淮鹽運今屬阜甯縣壽河一名故城河在縣東南五十里東入射陽湖引淮船入湖爲攻撓水砦計射陽湖人
至有養北賊戕淮民之語進陷泰州又攻揚州朝議

赫然命討趙范趙葵會師大敗之揚州城下

四年春正月全走死新塘六月楊氏遁歸漣水

十六日范葵悉精銳數千出西門取官軍素爲賊所
易者張其幟以誘之賊喜競進官軍爭奮賊始疑非
前日軍欲走入土城李虎軍已塞其甕門賊窘走新
塘陷淖不能拔官軍奮長鎗三十餘亂刺之碎其尸
全旣死其黨欲還淮安奉楊氏爲主葵追擊賊於灣
頭破之三月庚寅別遣金子才取鹽城癸卯遣兵入
射陽湖擊賊於喻口己酉范葵分兵至平河橋在府城東
四十里在鹽城縣治勦賊甚多又敗賊於岡門鎮在府城東
里西十八里庚申

別將破賊砦於壽河進薄淮安城下五月丙戌朔官
兵攻土城淮北賊歸赴援舟師又勦擊敗之楊氏乃
絕淮而去六月己未大戰於河西三砦賊大敗楊氏
歸漣水竄歸山東淮安遂平議乘勝復淮陰兵未行
淮陰降金宋師遲一宿攻城淮安亦爲金有矣全蟠
踞楚州凡十年往來青州漣水爲三窟計朝廷凡五
易帥而全黨逐其三每以糧餉不給輒肆然劫淮民
重困

案金哀宗本紀天興二年使內族阿虎帶借糧於
宋諭之曰宋人可謂負朕朕自卽位以來飭邊

吏無犯南界得宋一州隨卽付與近淮陰來歸
彼多以金帛爲贖朕若受財是貨之也付之全
城秋毫無犯据此則淮陰降金金卽仍歸於宋
蓋是時金有元難不欲更取南岸地以買怨於
宋耳

寶祐五年秋八月李全子璫攻海州漣水等處十一
月陷之

元史叛臣李璫傳璫小字松壽太祖十六年全叛宋
舉山東州郡歸附拜全山東淮南楚州行省而以其
兄福爲副元帥太宗三年全攻宋揚州敗死璫遂襲

爲益都行省仍得專制其地憲宗七年調其兵赴行在壇親詣帝言益都乃宋航海要津分兵非宜帝然之命壇歸取漣海數州壇遂發兵攻拔漣水相連三城

景定三年二月李璫以漣海三城來歸改漣水爲安東州安東之名自此始

元史初璫以其子彥簡質於朝而僭爲私驛自益都至京師質子營至是彥簡用私驛逃歸璫遂反以漣

海三城獻於宋

宋江南通志稱璫子彥簡以城來歸疑誤

度宗咸淳十年元兵分道南下唆都將一軍入淮

元史伯顏傳自湖廣上流而下所過殘破會師淮安
城下招諭守將使降不應於是招討別里迷失攻北
城西門按此所謂北城卽今新城也在舊城伯顏與
北故曰北城明初因而築之曰新城李魯歡阿里伯親臨南城南城卽今舊城在新城南故曰南城擇諸將
長驅而登拔之

瀛國公德祐元年正月元兵徇江州知安東州陳巖以
城降

先是知黃州陳奕降伯顏承制授奕沿江大都督奕
遣書至漣水招其子巖巖亦降

案此據元史伯顏傳而宋史瀛國公紀云知安東

州陳巖夜遁互有異同至江南通志所載知安
東州孫嗣武以城降宋元二史皆無之未知何
據

元

順帝至正十六年汝潁盜陷淮安淮東副使褚不華死
之

元史褚不華傳汝潁盜發勢張甚不華行郡至淮安

竭力守禦且請判官劉甲守韓信城

在山陽縣治西北五十里與淮

陰故城相近

相倚角甲有智勇與賊戰輒勝不華頗賴之

總兵某忌其功檄甲別將兵擊賊而韓信城陷賊乃

築長圍困之時城東西南三面皆賊惟北門通沭陽

阻赤鯉湖

在桃源縣治北七十里通漣水入於河今渾

指揮使魏岳楊暹

駐兵沭陽淮安倚其芻餉而湖又爲賊據賊知援絕

乃進柵南鎮橋

在山陽縣治南一里

城中食盡至人相食力竭

城陷猶據西門力鬪以死時十月乙丑不華守淮安

五年殆數十百戰人比之張巡云

案清河縣志云湯暹遵之弟爲沂州兵馬指揮值

紅巾軍圍淮安中外隔絕二年暹帥義兵殺賊

復掘地開河運米三萬斛之事聞賜璽書褒美

其事迹年分與元史昭合但史云楊暹併不載

其功而志載其一門父子數人當是志是而史文誤湯爲楊也

二十六年徐達常遇春克淮安張士誠將梅思祖出降

明史傳達遇春帥兵取高郵進攻淮安遣康茂才謁馬邏港克其水寨士誠將徐義通思祖出降並獻所部四州太祖命華雲龍守之改淮安衛指揮明年爲吳元年

案元史褚不華傳其殉難淮安蓋死於汝潁盜汝潁卽紅巾軍蓋劉福通也而明史至正二十六

年兵克淮安士誠將梅思祖出降中間凡隔十
一年士誠破福通取淮安事元明二史皆無明
文檢明史韓林兒傳內至正二十三年張士誠
將呂珍圍安豐林兒告急於太祖太祖親帥師
往救而珍已入城殺福通則淮安之屬士誠蓋
在是年又士誠傳云其地南抵紹興北踰徐州
達於濟甯之金溝西距汝潁濠泗西北二面皆
係福通舊境則是年呂珍殺福通因盡取其江
北至山東地淮安之先屬福通後歸士誠萬無
可疑特史不備載耳淮安凡屬福通八年屬士

誠三年而歸於明

一本謂汝頴爲彭早住趙君用案彭趙係徐州賊元史脫脫傳至正十二年師次徐州亟攻城賊芝麻李遁去

明史郭子興傳元師破徐州徐帥彭大趙君用帥餘衆奔濠二人剛狠不相下且與子興數猜間未幾大死子早住領其衆以後不見史傳勢微甚安能於十六年聚大衆攻淮安長圍至歷時之久乎故知是誤無疑也

明

建文四年燕兵日逼乃命駙馬梅殷充總兵官鎮守淮安燕兵破何福遣使假道於殷以進香爲名殷不許王大怒復書言今興兵誅君側惡天命有歸非人能阻殷割使者耳鼻縱之曰留汝口爲殿下言君臣大義王爲氣沮而鳳陽守徐安亦撤浮橋絕舟楫以遏燕燕兵乃涉泗出天長取道揚州陷金陵

正德五年流賊楊虎陷宿遷執淮安知府劉祥

見明史陸

完傳

六年流賊劉六等掠清河縣

是年清河縣元旦乾隅黑氣突起俄而密雲四布雷

雨大作夏四月流賊劉六等過掠俱兵讖云

七年流寇至淮屠掠桃源縣境

桃源無城郭官民禱於城隍賊兵三至界不敢前又
前三年七月十九日陰雲俄布塵霾漲天颶風怪雨
一時大作淮河巨浪掀天七年亦以是月日之夜風
雨暴作如前總制彭公澤陸公完以是日乘風雨襲
流賊狼山殲焉

上二條見淮
府詳異志

嘉靖三十四年十月倭自山東日照流劫安東衛至淮
安贛榆沐陽桃源至清河爲官兵所殲

明史倭不過數十人流害千里殺戮千餘其悍如此

時鄉官沈坤方家居散家貲募鄉兵千餘屯城外倭縱火焚燒官兵却坤率衆力戰身當矢石射中其首倭退去

沈坤見本府人物志

三十六年三月倭寇淮安府諸縣

廟灣志時賊首麻葉陳東徐海皆已死江南浙西諸寇略平江北之倭自金沙登岸犯如臯泰州復犯天長趨盱泗入清河安東又犯高寶至淮倭夷二十二船從泗而下焚殺尤甚沈坤率鄉兵悉力會戰大破之倭乃遡東鄉由鹽城至廟灣

今爲阜甯縣

六月兵備副

使于德昌及叅將劉顯夾擊倭追至廟灣蛤蜊港海

口殺獲無算餘党開洋逸去其走雲梯關者亦自刀

門港遁

雲梯關在安東縣東
五十里淮河入海處

三十八年四月倭犯淮安府

倭又合衆攻淮叅將曹克新禦之於姚家蕩賊遁退

廟灣拒守五月江北官兵次倭於廟灣斬首四千餘

級官兵死傷過當復退守廟灣凡四十八日旣而乏

食通政唐順之謂可一舉撲滅自持矛麾兵以進彼

此皆傷賊亦出掠爲走計順之以功擢僉都御史未

幾卒

是年賊從廟灣遁去

倭據廟灣日久副使劉景韶督兵填壕塹賊終不出
乃令載葦焚其舟進兵搗巢追至匣子港斬獲頗多
餘衆乘風遁去江浙之倭稍平胡宗憲以功加兵部
尙書兼右都御史

萬歷二十二年建廟灣城

時倭警日甚廟灣爲倭窟穴廼題設廟灣遊擊又增
海防同知始議建城萬歷二十二年巡撫李戴題請
用舊軍門唐順之所畫基址二十五年以倭酋平秀
吉之亂廟灣復增兵戍守崇禎十三年增設本營守
備

本朝

順治元年明福藩稱號於金陵以總兵劉澤清鎮守淮安時聞賊陷京師烈皇帝殉社稷五月奸相馬士英迎立福王改元宏光分列四鎮總兵高傑駐揚州黃得功駐儀真劉良佐駐臨淮劉澤清駐淮安澤清以八月初抵任卽大河衛之治開府第晉爵東平伯二年四月大清兵渡淮取淮安江南底定

四月王師下亳州至淮安總兵東平伯劉澤清逃紳士軍民持牛酒迎三十里犒師三城安堵如故

四年九月鹽城厲豫作亂破廟灣圍淮安新城尋討

平之

厲豫世居鹽城之岡門鎮爲諸生素狂騃好大言會江南擁立福王史可法開府揚州聘鹽城諸生四人參議軍事以豫狂騃不與時總兵黃蜚駐廟灣乙酉王師渡淮澤清與蜚先後遁去閏六月

本朝吳時來來署同知事九月澤清部將高進忠與魏某合攻廟灣未幾各解散俄而受誅豫以其間得句容朱姓奉爲主號其衆曰中興義師九月十二日攻廟灣遊擊潘延吉身被十數創遁海防耿嘉樂亦相繼走豫自迎薰門入劫庫釋囚其別衆圍新城中軍

帥旗書史閣部疾呼城中何不降部堂庫某亦心動
其妾登樓望之曰賊行列不整易破也集家衆百人
大呼出徑砍其中軍帥旗賊衆繞澗河東走追及盡
殲之別遣將劉三勦廟灣餘寇豫聞淮郡事敗亟易
服逃朱姓伏誅

淮安府志營制叙

兵以衛民營以駐兵淮安自唐宋以迄於元兵制之見於前史尚矣明初改元淮安路總管府爲衛指揮使司蓋彷彿封建遺意俾世其官而又設有屯田因糧於屯取兵於丁猶存古邱甲之制當是時淮安大河二衛軍官屯丁不下萬餘員名應守城操練者不下二千餘名從無召募兵丁營伍名色國家無養兵之費而行伍無揭竿之變法制綦善行之既久漸至廢壞伍存空籍田盡汙萊衛卒應城操者不足充數此外所恃止山陽民兵五百八十五名然皆不經訓

練遇敵輒敗倭患之興淮郡殆岌岌矣是時以漕兼撫隆慶年間漕撫都御史方廉調揚州營官兵三百一員名轅門防護設名色千總一員爲統領是爲漕營所自始嗣是以後益調兵赴淮安隨衛立營營與衛始兼設而都司實兼管淮營淮營者兩衛屯卒也關白之亂淮海戒嚴益挑選淮營精壯并調集各州縣及東陽義烏浙兵分爲七營是時倭患孔棘而淮安運道所關得保無恙者實賴先聲有以奪之也最
後李三才沙汰簡練節次裁併留爲五營

本朝定制以衛卒專司輓運而營兵專主護漕別設城

守管守護城池分漕院與巡撫爲二總督漕運麾下
統轄七營惟左右中及城守四營駐山陽境餘各擇
要地分置此漕營之始末也河標於雍正七年將宿
遷徐州蕭縣三營改歸河標於雍正十年添設中營
共轄標兵四營葦兵二營又因黃淮二河歷代皆民
夫塞決徵調動至數十萬

本朝於標兵葦兵外另設河兵及堡夫淮安建兩大閘
而河營遂與漕營並重各有副叅遊守而河營之陞
遷一與軍功等其人率皆駐宿河干熟諳水性平日
不責以騎射之能而專司填築之事每遇河工緊急

匪但不役民夫并不調標兵合龍下埽不爽分寸雲梯礮築懸絕千仞當河濤決怒時持土石與水爭勝性命懸於頃刻惟其責成專而諳練熟故能奏功而無患害匪其人鮮不敗事此尤

本朝兵制之超出前代萬萬者也謹就淮安所駐漕河兩營之官弁馬匹船隻及防守汛地修防口岸詳載於策以資日後之考究志管制第十七

淮安府志卷之十七

營制

秦置郡尉掌佐守典武職甲卒

漢書百官表

漢踵秦而置材官於郡國

漢書刑法志

更郡尉名都尉

漢書百官

表

臨淮都尉治盱眙

水泉用樓船廬江會稽等

郡有樓船又有戈船下瀨船

後漢建武六年罷都尉並職太守

後漢書百官表

每有劇賊郡

尉臨時補置

應劭注

七年又罷車騎材官樓船

光武帝紀

後以刺史領兵馬稱為州將

三國魏刺史亦典兵都督青徐諸軍事治下邳徐州刺

史治彭城杜恕上疏謂州郡典兵則不勤民事宜

別置將守不報

魏志

吳多舟師而兵有解煩敢死兩部又有車下虎士丹陽

青巾及健兒武射之名大率以强者爲兵弱者補

戶

吳志諸將傳

晉太康元年吳平詔州郡悉去兵大郡置武吏百人小

郡五十人後以盜賊羣起州郡不能制乃以都督

併任刺史

文獻通考

東晉徐州刺史初鎮廣陵後徙鎮淮陰

穆帝時苟羨

兖州刺

史初治京口後徙鎮山陽一

哀帝時庾希

淮陰一

孝武時朱

序 彭城泗口一太壽二年劉退青州刺史初末俱鎮廣陵

元帝僑置以廣陵控其中徙鎮淮陰二元帝時劉

接三齊故青衮同鎮朱并州刺史或居江南或居江北後徙鎮山陽安

時劉道憐以大抵晉之拒劉曜石勒以合肥淮陰

上分見列傳壽陽泗口角城為重鎮其後攻符堅則以長淮為

衝要鄭樵通志

宋刺史仍加都督領兵兗州刺史寄治彭城淮陰泰始三年

失淮北更於淮泰始二年設山陽鎮劉懷慎設淮陰

陰置北兗州屯沈攸之

齊諸州刺史亦加都督惟以徐州為北徐兗州為北兗

以冀治漣口

今安東縣

餘治所皆因宋

南齊書州郡志

自宋失

彭城諸郡齊淮北之地少但以壽春淮陽

今宿遷

角

城漣口朐山為重鎮

通志

梁諸州兵制亦如齊後務拓境宇頻事經略欲重其將

帥凡鎮戍多置為州

通志

充分南北鎮廣陵淮陰又

廣設淮譙武安睢潼等十三州分鎮淮陰譙城歸

政

今邳州

等縣

梁淮陰既置北兖州又置淮州

敬帝太平後江以北

悉入於齊其初以碭石合州鍾離淮陰朐山為重

鎮

通志

陳亦設刺史都督初年仍梁舊淮南盡沒於齊宣帝太

建五年命吳明徹等北伐一年之內盡復舊境淮
陰山陽悉爲陳有十一年周兵來侵師屢敗鯨南
北充晉及盱眙山陽共十三州並自拔還建業淮
南復盡沒於周

後魏于獻文天安元年宋薛安都以彭城降遂有淮北
宣武景明元年齊裴叔業以壽陽降又得淮南至
東魏孝靜武定七年梁侯景弑蕭衍江北郡縣多
降於魏於是畫江爲界其刺史在江淮間者凡十
七州而淮州治懷恩實爲今山陽縣之地 初置

州都督總軍人後以刺史爲當州都督

北齊書高
隆之傳

後齊略梁地南際於江刺史仍爲都督總當州士馬三

等鎮置鎮將三等戍置戍主

隋書百官志

其鎮將在江

淮間者海西鎮將爲今安東也又梁敬帝紹泰元年任約反據石頭城齊淮州刺史柳達摩率衆赴約淮州卽今日之淮安府此時屬齊

後周改都督諸州軍爲總管其授總管刺史則加使持節諸軍事以督軍戎其總管刺史在江淮間者

吳州鎮廣陵

江都郡後周改曰吳州隋開皇九年改爲揚州

統縣十六實

有今山陽鹽城二縣之地山陽縣卽齊之懷恩縣

後周改曰壽張又僑立東平郡開皇元年改郡爲

淮陰并立楚州尋廢郡

縣曰淮陰大業初州

廢縣併入焉

隋書地理志

隋州置總管者列上中下三等總管刺史加使持節

隋書

百官志楚州總管鎮淮陰

開皇元年以賀若弼為楚州總管

吳州總

管鎮江都揚州大總管亦鎮江都

開皇九年以晉王廣為揚州總

管鎮江都時揚異出除吳州總管詔令異每歲一與王相見是二總管同在一處也以上見隋書地理志

大業三年改州為郡復置太守別置都尉副都

尉領兵與郡不相知

隋書百官志

唐改總管曰都督總十州者曰大都督其餘都督帶使

持節謂之節度使總軍旅顯誅殺

唐書百官志

其都督

之在江淮間者鎮江都

江都郡領今山陽
鹽城二縣之地

又有下

蜀淮安采石諸戍主皆統於都督府 其節度使

則有淮南節度使治揚州

方鎮表至德元載置領
揚楚滁和等十二州楚

州今淮安府鄧景
山高驛皆嘗爲此

其都團練使防禦使則有徐

海沂密都團練觀察使治徐州

建中三年置今安
東縣屬海州領

後藩鎮擅命所在置將攻守泗州防禦使鎮臨淮

海州戍將駐胸山又有漣水高郵狼山六合鎮遏

使

五代淮南之地楊吳及南唐相繼割劇亦皆多設節度

及軍監之使 楚滁舒壽海泰潤常池蘇諸州團

練使治山陽

吳武義元年廬江公濠南唐何敬洙

其軍監則有建

武軍

昇元六年改揚州天長制置使爲建武軍

後唐長興元年建武制置使將

兵入靜海軍

南唐以海陵東境置靜海制置使

三制置使

宋仍置節度使都督防禦團練使以統軍南渡後復有

宣撫鎮撫及軍監之屬

宣撫使

紹興元年劉光世復楚州詔呂

頤浩朱勝非劉光世並兼淮南諸州宣撫使六年正月以韓世忠爲京東淮東路宣撫制置使置司

楚

鎮撫使

楚州山陽郡建炎四年置楚泗承州連水軍鎮撫使是年五月朝廷分鎮

以趙立爲泗州漣水軍鎮撫使兼知楚州

軍監則有知漣水淮安

實慶

三年朝廷以李全數亂遣帥必諸軍監及本紀列

傳

宋兵制有三一曰禁軍天子之衛兵建隆元年詔諸州

選所部兵精銳以補禁旅之闕後多增募各營於

本州每指揮以五百人爲率其指揮之在江淮間

者有忠節軍

楚州

宣毅軍

楚州漣水各一

熙寧以後更制

宣毅軍

楚州漣水各一

熙寧三年

楚州

忠節軍

楚州

一

其一曰廂軍爲諸州之鎮兵或一軍之額分隸數

州或一州之管兼屯數州皇祐中募流民爲兵分

屯徐州淮揚等軍征役同禁軍熙寧中併省諸軍

名額淮南曰甯淮其將校則有馬步軍都指揮使

副都指揮使都虞候在江淮間者為練中騎射

一開遠楚州六奇楚州水軍楚州壯武楚州廣

濟楚州裝發楚州車軍楚州奉化楚州耀武楚州

其一曰鄉兵由選募團練以為所在防守有壯丁

民社乾道四年鎮淮淮南募邊民

又有將兵將兵者熙寧之更制也太祖懲藩鎮之

弊分遣禁旅戍守邊城立更戍法使往來道路以

習勤苦均勞逸故將不得專其兵兵不至於驕惰

然自是以後雖無復難制之患而更戍交錯旁午

道路時王安石秉政以爲徒使兵不知將將不知
兵緩急恐不可恃乃部分諸路將兵總隸禁旅使
兵知其將將練其士平居知有訓厲而無畚戍之
勞有事而後遣熙寧七年始詔分置將副自河北
始元豐四年又詔團練東南路諸軍共十三將自
淮南始總天下爲九十二將元祐元年司馬光言
近歲將官多與州郡爭衡長吏勢力遠出其下萬
一寇盜竊發何以驅使祖宗之制諸軍嘗分番出
戍自置將以來惟是全將起發然後與將官偕行
其餘常在本營飲食嬉遊養成驕惰不可復用又

每將下各有部隊將訓練官一二十人而諸州又自有總管鈐轄都監監押設官重復虛破廩祿乞盡罷諸路將官禁軍各委本州長吏與總管等管轄使州郡平日武備有餘然後緩急可責以守死時光代安石相銳意欲盡革其弊而是年光與安石俱卒至紹聖間熙寧小人復用事樞密院言往時軍士犯法將官得專決遣故事無留滯自州縣官叅預軍事以來動多牽制不得自裁乞仍依舊法並隸將司詔從之自是州縣一無關預兵愈驕無復可用宣和三年知婺州楊應誠復言諸路屯

戍當隸守臣兵民之任一然後號令不二詔自今
令隸守臣無何復詔曰將兵遵將官條教除前隸
守臣指揮其後南渡諸屯駐大軍卽舊將兵之類
而其駐劄之所因時制變獨韓世忠一軍駐楚州
凡十年屏蔽江淮時諸州各有都統領兵分屯列
戍楚州武鋒軍卒凡一萬一千人自秦檜用事解
三大將軍兵柄而和議成矣

宋史
兵志

案熙寧將官一事紛如聚訟廟堂議論不一遂至法
制數更朝令夕改兵制於是大壞統而論之荆公
更法固不能無弊而溫公所論亦只見得一邊兵

將自應相習文臣豈宜掣肘魏以刺史典兵而杜
恕言其非便隋設都尉掌兵事與郡不相知而隋
兵因以曰強唐雖受藩鎮之禍而矜平安史朱泚
黃巢亦賴藩鎮之力宋解三大將兵柄而遂如死
灰之不復然由此觀之將權豈可不重哉惟責守
令以治民責將領以治兵各專委任而又體統相
維內外不紊則庶乎其可也

宋代水軍之制南渡以後愈盛沿河江淮帥府各
置水兵二軍要郡別置水兵一軍次要郡別置中
軍號曰凌波樓船軍紹興元年另置兩淮水軍二

千人 文獻
通考

金地南際於淮襲遼制建五京置四十總管府是爲十

九路領散府九節鎮三十六防禦郡二十二刺史

郡七十三以統兵 泗州中防禦使隸汴京路領

淮濱縣 興定二年四月以
宿遷之桃園置 海州中刺史隸山東東

路治益都領漣水縣 本宋之漣水軍皇
統二年降爲縣 其領軍有

猛安謀克之號猛安千夫長謀克百夫長也 金史
地理

志及
兵志

元兵制盡改遼金之舊有征伐之事則置行樞密院或
止日行院有宣慰司掌軍民邊郵軍旅之事或兼

都元帥府淮安隸淮東道宣慰司治揚州又有淮

東副使

至正十六年收賴盜陷淮安淮東副使褚不華死之

其監臨東南諸

省統制各路軍馬日行御史臺其鎮守各路爲萬

戶府列爲上中下三等所管軍上府七千之上中

府五千之上下府三千之上各置達魯花赤一員

萬戶一員典兵至元間改江淮江西元帥招討使

爲萬戶府蒙古漢人相參作三十七翼在江淮間

者淮安爲下萬戶府

以上分見百官地理志

至元中以軍萬人

隸江浙行省習水戰又以征日本船運糧江淮及

教軍水戰又教習泛海者募水工至千人爲千戶

百人爲百戶又擇額海沿江要害二十二所分兵

閱習伺察諸盜

續文獻通考

明統兵之制大畧有三一爲都督府一爲鎮戍將領一

爲督撫兵備 其鎮戍將領總鎮一方者曰鎮守

守一路者曰分守獨守一堡一城者曰守備與主

將同守一城者曰協守其總鎮或掛將軍印或不

掛印皆曰總兵次日副總兵又次日參將又次日

遊擊將軍後設薊州淮安漕運總兵不得掛印稱

將軍

以在南北兩畿內故

總督漕運鎮守淮安總兵官

駐劄淮安

永樂二年設總兵副總兵統領官軍海運後海運

罷專督漕運天順元年又令兼理河道協同督運

漕運參將

駐劄淮安明初置不久廢隆慶六年革

淮大運糧總司一

員

督屬淮安大河邵泗壽州五衛官軍

領運漕糧把總一員

淮安衛指揮使司

去府治南八十步卽元淮安路總管府也至正二十六年丙午

明祖取淮安命指揮華雲龍守之始改爲衛

衛鎮撫司

陞授改調增置無定員

左右前後中左中右六千戶所

原設指揮司三員

同知六員

僉事十員

署僉事一員

衛鎮撫一員

左所正千戶一

員副千戶三員

百戶八員

試百戶一員

新功陞授試百戶一員

右所正千戶一員

副千戶二員

所鎮撫一員

百戶十員

前

所正千戶一員

副千戶二員

所鎮撫一員

員百戶九員

試百戶一員

後所正千戶一

員副千戶二員

百戶八員

試百戶二員

中左所正千戶一員 副千戶二員 百戶九員
試百戶一員 中右所正千戶一員 副千戶三員
百戶九員 試百戶一員 每伍
舊設總旗二員共一百二十員 小旗一員共
六百員 首領二員係文職 經歷一員
知事一員 萬歷九年裁革

教場

在郡城南門外二里

軍丁三千三百一名 守城操練官軍八百三十人
員各 管操指揮一員 千百戶共七員
額軍舍餘三百名 軍餘五百五十一名

造作軍器局

在衛西南歲造式樣軍器六千四十件

馬草場一處

在清河縣移風鄉

屯田共八處

田地稅糧俱在山陽安東二縣原額七百一十七頃九十畝糧一萬九百

五十石 熟田四百餘頃 荒田三百餘頃
地十九頃零 夏稅折銀一千六百四十餘兩

秋糧米豆共折銀一千六百三十五兩九錢

大河衛指揮使司

去府治北二里新城頌春坊舊太清觀基洪武二年指揮畢寅

創建 衛鎮撫司

左右中前後中左中右中前八千戶所

原設指揮使四員故絕二員存二員 指揮同知六員 指揮僉事十二員 署指揮僉事正千戶二員故絕一員存一員 副千戶一員正百戶十員 試百戶一員 衛鎮撫二員左所正千戶一員 右所副千戶二員 百戶十員內試百戶一員 中所正千戶一員 副千戶一員 百戶十員內試百戶一員 前所副千戶三員 正百戶十員 後所正千戶一員 副千戶二員 正百戶十員 所鎮撫一員 冠帶總旗一員 中左所正千戶二員 副千戶二員 百戶九員 冠帶總旗一員 中右所正千戶一員 副千戶二員 百戶十

一員內試百戶一員 中前所正千戶一員
副千戶二員 百戶十員 首領二員係文職
經歷一員 知事一員
員舊歷九年裁革

教場

新城南門外今廢總
附於淮安衛教場

守城操練官軍一千五百三十一名 管操指
揮一員 千百戶共九員 額軍舍除三百四
名 軍餘一千
二百一十七名

造作軍器局

今廢總附於淮安衛歲造
式樣軍器六千四十件

屯田

田地稅糧俱在山陽安東清河桃源沐陽五
縣原額九百六十九頃糧一萬四千六百九

十四石

熟田三百一十二頃九十八畝四分

八釐

荒田六百五十六頃七十畝 地曠軍

屋基菓園共三百一頃二十六畝二分七釐

夏稅小麥折銀二千二百四兩一錢 秋糧米

豆折銀二千二

百四兩一錢

邳州衛指揮使司

應入徐州府志今不載

西海守禦千戶所

東海守禦千戶所

應入海州志今不載

鹽城守禦千戶所

屬揚州衛洪武三十年守禦鹽城

教場

鹽城北門外

守城操練官軍五百五十四員名
管操千戶一員
百戶三員
額軍舍餘共五百五十名

造作軍器局

歲造式樣軍器七百五十五件

馬草場屯田

在新鄉等都四處 田七十頃 地七十頃 夏稅小麥一千五十石

秋糧米豆一千五十石

京操班軍

淮安衛領班指揮一員班軍三百三十九名原無京軍正統中也先犯順調取入衛京師後遂分爲春秋兩班赴京萬歷四年

漕撫吳桂芳題准併爲春班

大河衛領班指揮一員班軍一百八十五名始自正統中取撥萬歷四年併爲秋班二十一年兵部覆准將秋班京操官軍暫留防海候倭衛息照舊入衛次年該部題准復舊

邳州衛東海所西海所春秋班軍今不載

標營

隆慶中漕撫都御史方廉調揚州營官兵三百一員名轅門防護號爲鴉兵尋改鴉兵曰標營設名色千總一員是爲漕營所自始萬歷二十一年因倭警增至八百名於內哀補大營三百名止存五百名二十六年隨提督軍務都御史李誌駐泰州繼任都御史李三才節次調選共三千二百三十三員名分爲五營領以遊擊一員名色千總一員把總四員哨官一十五員節

年增減不一見存官兵一千三百員名歲支餉銀二萬有零戰馬二百九匹營房二處四百八十五間教場一所

統領遊擊一員 中營實在官兵四百七十一員名 左營實在官兵二百二十四員名 右營實在官兵二百四十四員名 前營見存一百八十二員名 後營見存一百七十九員名 旗鼓守備一員萬歷二十二年設隨廢後於天啓二年復設

大營

萬歷四年督撫侍郎吳桂芳移調揚州坐營都司一員中軍一員領兵名色把總二員掌號官一員哨官十員目兵一千一百八十五名俱赴淮安隨駐立爲大營分爲前後二營都司兼管淮營併催防漕運二十年倭犯朝鮮漕撫官題請添設官兵並挑選惟營城操五百名立爲運鋒營及調集各州縣馬兵并召東陽義烏浙兵共三千二百有奇分爲七營三十三年都御史

李三才題改都司爲遊擊 總領遊擊一員
中營中軍領兵把總一員 哨官三員 前營領
兵名色把總一員 哨官五員 後營領兵名色
把總一員 哨官五員 左營領兵名色把總一
員 哨官五員 右營領兵名色把總一員 哨官
五員 選鋒營名色把總一員 哨官四員 馬
營領兵名色把總一員 哨官四員 隨營名色
官十員 火藥把總一員 旗鼓把總一員
掌號把總二員 旗牌隨營官二員 巡營官
六員 武舉八名 醫官四名 四十一年節
次選汰事故止存二千七百七十五員名戰馬
二百八十八匹軍士營房六百八十五間教場
一所 泰昌元年見存照舊旗隊什兵二
千五百四十四名戰馬二百八十八匹

親營

天啟三年設調撥廟灣營目兵三百名食本營
原餉專隸淮海道標下操練有警聽其征調無
事防守城池題設中軍守
備一員部下把總四員

水營

萬歷初年原調大營哨官一員巡營官五員兵一百八十九名淮營操軍八十一名巡船二十七隻自山陽黃浦地方至邳州直河地方各分汛地往來巡緝賊盜每二個月一更尚未稱營四十二年淮徐兵備副使袁應泰議免撥城操軍惟撥大營官兵五百名卽以哨官充各色把總以巡營官充哨官添造號船五十五隻始稱水營卽年減汰今見存領兵把總一員哨官五員舵工捕盜兵勇共三百八十五名每船旗長一名總在大營額設數內汛地自山陽黃浦至邳州貓兒窩常王口

哨營

天啟四年設蓮妖震鄰淮地戒嚴清河口乃淮之門戶也故設官兵五百七十員各防守南保淮郡北援邳宿名曰清口營其合用糧餉議於縉紳吐出折夫餘銀支給以本地之財供本地

養兵衛民爲計良便續因妖平官兵減汰烏合之衆洒派各營未盡復值妖人馬永沈貴等逆謀事發幸而渠魁就擒餘黨未殲兼以直隸屬地方大盜焚殺勢衆可駭天啟四年間知府宋祖舜以庫獄重大防守單弱得請于上於餘兵二百二十七名內簡選驍銳者一百七十五員名委千總陳天祚領之繼詳把總馬龍時加訓練以備緩急專隸本府操防名曰哨營廩糧仍於前項折夫銀內開給部下哨官二員宣令官一員巡營官二員教練官一員火器官一員

淮營

舊制淮安大河二衛城操軍防守城池總統中軍指揮二員二衛各一員領兵名色把總二員哨官八員巡營報捷官四員隊什軍兵原額一千七百九員名今挑選精壯官軍七百八十八員名戰馬五百匹併大營一例操練餘仍守城

廟灣營

去府治東南一百八十里去東北雲梯關四十
五里洪武十八年爲鹽場有巡檢司嘉靖三十
六年倭犯廟灣匣子港三十八年復據廟灣爲
窟穴與官軍相拒五閱月用大師勦之倭乃遁
去萬歷二十年倭犯朝鮮邊海戒嚴撫按鹽三
院以廟灣乃沿海重地題准設遊擊一員領兵
名色把總五員戰馬三百匹戰船三十隻於該
處建城一座又添設海防同知一員南據如皋
通泰北援海贛安沐中援淮揚鹽城如山東有
警聽調策應後倭報稍寧漸次選汰止存一千
員名二十五年倭報孔棘增復二千五百員名
水陸操備旣而軍餉不敷增減不一四十一年
撫按官復詳議
始有定數

總統遊擊	一員	中軍官	一員	名色把總	四員
哨官	十員	隨營官兵	九百一員	名	戰
馬	七十五匹	戰船	三十隻	軍士營房	二百
五十間	教場一所	汛地	射陽黃河灌口	三處	

東海營

嘉靖中設把總一員駐劄雲梯關萬歷二十年倭犯朝鮮撫按官題准移駐海州今不載

鹽城營

舊制設邵鹽參將駐劄邳州後鹽城盜賊竊發萬歷二年撫按題准始改守備專駐該縣轄官兵三百二員名萬歷二十年倭報孔棘添哨官一員兵勇二百九名二十五年添哨總一員兵二百名二十六年調兵一百名防守丁美舍汛地改屬揚州三十年減汰一百五十名新舊共存四百五十名總統守備一員領兵哨總一員哨官五員日兵四百四十三名戰馬八十五匹沙

號戰船十二隻

雲梯關

海水下退漸落沙灘有一套至十三套之地故稱雲梯關先因有奸人葉福興者下海捕魚勾引倭船直抵海口登岸殺掠最慘因題設官兵防守淮河南岸原建有城五座今城已廢而基

址尙存 舊制設備倭指揮一
員東西二守禦所軍五百名

民兵

山陽縣民兵五百八十五名教場城南門外二里

鹽城縣民兵五百八十五名教場治境內

清河縣民兵二百二十名教場治境內

桃源縣民兵二百四十名教場治西二里許

安東縣民兵三百十九名教場治境內

另邳海二州沐陽贛榆宿遷睢寧四縣民兵今

不載

凡以文臣兼督軍務兼管兵備者載入職官志

國朝

總督漕運部院軍門

駐劄淮安府統轄七營標下

城海州東海五營惟左右二營兼轄城守廟灣鹽

方康熙三十六年總漕桑題明淮兵城守營

駐劄府城內是爲四大營乾隆元年增設漕標
中左右三營改左營爲中營與城守爲四營而
廟灣營另駐新設
阜甯縣廟灣城

中營

順治二年設左營參將管轄九年改遊擊康熙
九年改副將乾隆元年分設漕標三營改爲中
營額設副將管轄中軍守備改爲都司
副將一員 都司一員 千總二員 把總四
員 共官八員 又外委千總二員 外委把
總二員 火器外委把總三員 馬戰兵九十
三名 步戰兵一百八十七名 步守兵四百
二十名 官坐馬二十八匹 兵戰馬九十三
匹

官八員歲支俸薪等銀七百五十八兩八錢五
分一釐九毫零
馬步戰守兵共七百名歲支餉銀一萬六百三
十八兩本折米二千五百二十石

馬一百二十一匹歲支乾銀一千五百二十四兩六錢

以上俸薪餉乾共銀一萬二千九百二十一兩四錢五分一釐九毫零

中營原係左營原設兵一千六十名馬三百七十四匹船隻無乾隆元年改左營爲中營另設左營連自康熙二十二年起節次裁減及分撥各營外本營實在馬步兵七百名馬一百二十

匹

於乾隆七年奉文本營裁減馬步兵戰守兵二百四十名陸續現在裁減尙未收全

於乾隆八年六月內派撥海州龍溝汛馬步戰守兵十名以上除分撥裁減增添改設官兵外實在中營現今馬步兵六百二十名俟裁減齊全中營實存馬步兵四百五十名凡外委千把總及火器外委把總俱在馬步職兵拔用不在經制官員數內

營汛

南自寶應縣黃鋪分界地方起北至山陽清江浦龍王閘下止計水程九十里分爲南北兩汛與右營通年輪流更換各派千總一員外委把總一員沿河催趲重空漕船

駐劄淮安府山陽縣舊城內十王堂地方

火藥局在舊城頭西南角係中右二營堆貯火藥

左營

順治二年設叅將管轄九年改遊擊康熙九年改副將乾隆元年分設漕標三營副將改管中營左營另設遊擊管轄所有馬步戰守兵俱係中右二營分撥遊擊一員守備一員千總一員把總三員共六員又外委千總一員外委把總三員火藥外委把總三員馬戰兵七十三名步戰兵一百四十六名步守兵三百三十一名官坐馬十八匹兵戰馬七十三匹船隻無

官六員歲支俸薪等銀四百七十八兩四分五釐九毫九絲二忽一微

馬步戰守兵共五百五十名歲支餉銀八千三百五十二兩本折米一千九百八十石

馬共九十一匹歲支乾銀一千一百四十六兩六錢

以上俸薪餉乾共銀九千九百七十六兩六錢四分五釐九毫零本折米一千九百八十石

一於乾隆七年奉文本營裁減馬步戰守兵一百三十名

一於乾隆八年六月內分撥海州龍溝汛馬步戰守兵十名現在陸續裁減過兵九十一名以上除分撥裁減實存營馬步戰守兵四百五十九名

營汛

南自黃鋪起北至清江浦龍王關止計程九十里分爲南北兩汛南汛自黃鋪起至頭鋪止計

程四十五里北汛自頭舖起至清江龍王閘止
計程四十五里與右營遞年更換沿河催趲空
重漕船

駐劄 遊擊衙署在山陽縣舊城內三牌樓地方
守備衙署在山陽縣舊城內十王堂地方

火藥局 在西北城
頭北角樓

右營

順治二年設遊擊管轄乾隆元年分設清標三
營仍舊額設遊擊管轄

遊擊一員 中軍守備一員 千總一員 把
總三員 又外委千總一員 外委把總三員

火器外委把總二員 馬戰兵七十三名 步
戰兵百四十六名 步守兵三百三十一名

官坐馬十八匹 兵戰馬七十三匹 船隻無
官六員 歲支俸薪等銀四百八十六兩七錢三
分四釐

馬步戰守兵共五百五十名 歲支餉銀八千三

百五十二兩本色米九百九十石折色米九百九十石折銀七百四十二兩五錢

馬共九十一匹歲支乾銀一千一百四十六兩六錢

以上俸薪餉乾共銀一萬七百二十七兩八錢三分四釐

右營自未分添設中營以前原額設官九員兵一千六十名馬三百七十四匹與左營相配自康熙二十二年起至雍正八年止節次裁減分撥各營實存官八員兵五百八十五名馬七十匹隨於雍正八年奉

上諭

漕標添兵一千名部議本營添設經制把總一員

馬步戰守兵三百六十五名馬七十三匹復爲

官九員兵九百五十名乾隆元年十二月分設

漕標三營左營改爲中營新設左營將右營額

兵撥入經制千總一員兵三百四十五名又分

撥城守營戰守兵五十名本營實存兵五百五

十六名馬

七十三匹

一於乾隆七年奉文本營裁減馬步戰守兵一百三十名現在陸續裁過五十九名馬六匹

一於乾隆八年六月內分撥海州龍溝汛馬步戰守兵十名以上除分撥裁減外右營實存官六員兵四百八十一名馬六十五匹

營汛

南自山陽縣黃鋪地方起北至清江浦龍王閣下止計水程九十里分爲南北兩汛南汛自黃鋪起至頭鋪止計程四十五里北汛自頭鋪起至清江浦龍王閣下止計程四十五里與新設左營遞年更換各派千把總一員外委千把總一員沿河催趲空重漕船

駐劄遊擊衙署在山陽縣新城內清平坊地方守備衙署在山陽縣新城內北辰坊地方

火藥局在舊城頭西南角係中右二營

城守營

康熙三十七年設叅將管轄

叅將一員 中軍守備一員 千總二員 把

總四員 外委千總二員 外委把總四員

火器外委把總二員 馬戰兵一百十名 步

戰兵一百九十五名 步守兵五百七十名

官坐馬二十四匹 兵戰馬一百十匹 船隻

無

官八員歲支俸薪等銀五百七十四兩四分六

釐 馬步戰守兵八百七十五名歲支餉銀一

萬二千六百兩本折米三千一百五十石

戰坐馬一百三十四匹歲支乾銀一千六百八

十八兩四錢 以上俸薪餉乾共銀一萬四千

八百六十二兩四錢四分六釐

城守營於康熙三十七年原額設官八員兵八

百名官坐馬二十四匹兵戰馬八十四匹雍正元

年撥步戰守兵六十六名入東海營二年撥步

戰守兵九名入太湖營五年撥步戰守兵七名

入蘇州營九年撥守兵三名入蘇州營又撥馬

步戰守兵一百六名入河標右營本營實存兵

六百九名戰坐馬九十八匹雍正十年奉

上諭清標添兵一千名部議本營添設經制把總一員馬步戰守兵二百七十名馬五十四匹共兵八百七十九名乾隆元年十二月分設清標三營左營改爲中營分撥本營戰守兵四十六名又右營分撥本營戰守兵五十名乾隆七年奉文本營裁減馬步戰守兵一百名現今陸續裁過九千二名馬二十匹

以上除分撥裁減添設官兵馬匹外本營實存官兵八百九十一員各戰坐馬一百三十四匹

營汛

東至鹽城縣地方一百里與鹽城廟灣營汛交界西至盱眙縣地方一百十里與泗州營汛交界南至黃鋪六十里與寶應縣地方揚州營汛交界北至清江關下二十六里與山陽縣地方河標中營汛交界幅員五百餘里

叅將一員兼管各汛

守備一員專管城池監倉庫獄兵馬錢糧

千總一員外委把總一員專管操演存營兵馬防

護南北水陸諸差

把總一員外委把總一員專防舊城內外關廂

把總一員外委把總一員專防新聯二城內外關廂

把總一員外委把總一員汛內有通京大路墩堡

五座率領馬步兵丁六十五名分派各墩堡緝

私捕盜催趙漕船遊巡會哨東至南窪計程三

十里與鹽城營汛交界西至運河官堤與本營

板間汛交界南至黃鋪汛計程十里與寶應縣

地方揚州營汛交界北至玉露庵計程五十里

與本營板間汛交界

千總一員外委千總一員汛內有通京大道墩堡

三座率領馬步兵丁八十五名分派各墩堡併

防護關庫部圍緝私捕盜稽查匪類催趙漕船

遊巡會哨東至涇口計程七十里與鹽城營汛

交界西至周家關計程一百十里與盱眙縣地

方泗州營汛交界南至玉露庵計程十五里與

本營金河汛交界北至烟墩計程十里與本營

清江汛交界

把總一員外委把總一員汛內有通京大道墩堡

一座裏汛墩堡四座率領馬步兵丁五十名分
派各墩堡緝私捕盜催趨漕船遊巡會哨東至
蘆鋪計程一百二十里與阜寧縣地方廟灣營
汛接界西至清江關下與河標中營汛接界南
至烟墩計程八里與本管板間汛交界北至新
工計程六十五里與安東縣地方佃湖營汛交
界

駐劄 參將一員守備一員千總一員外委把總三
員俱駐劄山陽縣舊城內 把總一員外委
千總一員駐劄新城內 把總一員駐防金
河汛 外委把總一員駐防塔兒頭汛 千
總一員駐防板間汛 外委千總一員駐防
車家橋汛 把總一員駐防清江關下汛
外委把總一員

駐防草灣汛

本府巡防把總一員轄水兵五十名本係清標
於乾隆 年奉憲撥入府內保護庫房無事
則每夜派兵十名署內前後鳴鑼守夜遇有
城內外人家失火特救火器械撲滅不屬各

營管共支軍糧歲支共銀五百五十六兩一錢六分六釐六毫係在淮關解府四稅銀內放支

火藥局 在舊城頭東

廟灣營

順治初設遊擊管轄

遊擊一員 中軍守備一員 千總二員 把

總二員 又外委千總二員 外委把總二員

火器外委把總二員 馬戰兵七十名 步

戰兵一百三十一名 守兵五百五十五名 官坐

馬十六匹 兵戰馬七十匹 沙船五隻 號

船四隻

本營每年共支俸餉馬乾等銀一萬六百九十

六兩六錢四分六釐本色米一千一百五十九

石二斗米折銀八百六十九兩四錢

是營原設官五員馬步戰守兵共七百六十六名馬共

八十六匹沙嘴船九隻雍正二年撥馬步戰守

兵五十名入東海營又撥步戰守兵七名入蘇州營共去太湖營五年撥步戰守兵七名入蘇州營共去六十二名六年八月竄子港添設守備一員馬步戰守兵二百名沙船二隻又佃湖集添設兵五十名共添兵二百五十名隨於雍正九年乾隆元年將竄子港守備改為都司移駐佃湖改為佃湖營不屬本營管轄實存馬步戰守兵六百六十四名坐戰馬八十一匹沙唬船六隻

營汛 管轄安東阜甯二縣地方阜甯汛地墩堡八十八處安東汛地墩堡十九處內要隘共十四處射陽湖海口直通大洋最闊緊要離營水路三百六十里內汛地二處竄子港汛離營陸路五十里下川子汛離營二百四十里派千總一員外委千總一員率領馬步兵丁七十名防守沙船一隻外海哨巡唬船一隻內河巡防黃河海口直通大洋關係緊要離營陸路二百四十里內汛地四處北沙汛離營陸路四十里大套汛離營陸路六十里掌家港汛離營陸路八十里惠家港汛離營陸路一百八十里派千總一員外委千總一員防守沙船二隻外海哨

巡哨船一隻內河巡防

陸營分管汎地八處板湖集汎離營陸路五十里周門集汎離營陸路五十里軋東溝汎離營陸路六十里俱係要隘處所又新溝等墩五處離營陸路二三五六十里不等係通衢大道派把總一員外委把總一員率領馬步兵丁七十六名防守唬船一隻內外巡防

本營駐劄海邊無督辦漕運之責而將備遵奉漕憲調

委辦理

駐劄

遊擊一員守備一員駐劄阜寧縣城內千總二員一駐防黃河汎地一駐防射陽湖窰子

港汎地把總一員駐防陸營汎地俱係阜寧縣地方外委千總二員一協防黃河汎地一協防窰子港汎地外委把總二員一協防陸營汎地一駐防城內汎地

鹽城營

順治三年設守備管轄七年改遊擊遊擊一員中軍守備一員千總一員把

總二員 外委千總一員 外委把總三員

火器外委把總二員 馬駁兵六十六名 步

戰兵一百十九名 步守兵四百六十二名

官坐馬十六匹 兵戰馬六十六匹 沙唬船

四隻 小巡船四隻

歲支俸餉馬乾等銀一萬一百一兩六錢一分

二釐本折米二千三百二十九石二斗

雍正十一年撥東海營沙船四隻到營每年春

秋二哨遊守千把輪船出洋哨巡乾隆十一年

排造之期奉文一號沙船一隻改造唬船二號

沙船一隻改造外洋巡海快船二隻小巡船

五隻內分撥小關營一隻本營共有唬船一隻

小巡船四隻巡海哨船二隻三號四號沙船二

隻一側修造駕駛哨巡

營汛 防守鹽城泰州興化阜寧四州縣地方分爲

斗龍新洋沙溝三大汛共墩汛四十一處

一分防斗龍港汛 石碇口汛 伍佑場汛

便倉汛 大團汛 劉莊汛 白駒場汛

東墩 葛家墩 蔡家墩 狗溪墩 前溪

墩 小團墩 劉莊一里墩 三里庵墩

界牌墩 白駒一里墩 五里墩 十里墩

一分防新洋港汛 天妃口汛 新興塢汛

上岡鎮汛 岡門鎮汛 北門墩 新興墩

南沙墩 北沙墩

一分防沙溝鎮汛 大岡鎮汛 大團灣汛

南辛野汛 黃土溝汛 崔家莊汛 樓夏

莊汛 神臺汛 建陽鎮汛 安豐鎮汛

沙家莊汛 流均溝汛 馬家蕩汛

駐劄 遊擊守備公署俱在鹽城縣城內

火藥局 三間在教場演武廳後 三間在永寧寺西傍

貯軍器庫 五間在遊擊署內儀門東首

新設佃湖營

雍正六年總督范時釋疏山陽鹽城二縣沿海一帶地方近因涸出灘地數百餘里業茸稠密易於藏奸又有通洋要口不無匪類潛踪雖設有漕標之廟灣鹽城等營但汛遠兵少稽察難

周必須添設一汛專責巡防方為嚴密查有窮
子港乃新洞灘地適中之處接連射陽湖口直
通幾洋海陬誠為扼要請於此處設立守備一
員把總一員駐劄分守添兵二百名再黃灌兩
河汛地通連大海水路交衝查有佃湖集為黃
灌兩河適中之地請於此處設立千總一員添
兵五十名駐劄防守仍歸廟灣管遊擊兼轄此
時尚未設立專營把總一員不屬廟灣管轄乾隆
元年五月將窮港營都司移駐佃湖改歸佃湖
營是為佃湖營所自始
都司一員 把總二員 外委把總二員 馬
戰兵二十五名 步戰兵五十名 步守兵一
百七十五名 官坐馬八匹 兵戰馬二十五
匹 沙船三隻 唬船二隻內一隻在內河哨
巡 巡船四隻
官兵二百五十三員名歲支俸餉銀三千八百
六兩一錢九分三釐九毫九絲六忽歲支米九
百石內支本色米四百五十石折色米四百五
十石

戰坐馬三十三匹歲支
乾銀四百二十三兩

營汛

往東自雲梯關起二百八十里至海口以中流
爲界南係廟灣營汛北係佃湖營汛往南五里
至黃河亦以中流爲界南係廟灣營汛北係佃
湖營汛往西一百三十五里至北頭關與海州
交界往北一百六十里至灌河中流北係東海
營汛南係佃湖營汛
又所轄六套汛地一處小尖汛地一處各派兵
五名防守

駐劄

都司一員率領左哨把總一員馬步兵二百名
駐扎安東縣大飛鎮佃湖集地方管轄黃河灌
河二海口把總外委輪流坐駕沙唬巡船防守
二口出洋遊巡南北會哨右哨把總一員率領
馬步兵五十名駐扎安東縣城內專管城池庫
獄及西路六鎮地方并巡船一隻黃河上下哨

巡

新設小關營

雍正六年總督范時繹疏山陽鹽城二縣沿海一帶地方近因涸出灘地數百餘里蒙茸稠密易于藏奸小關子實為海口門戶又屬水陸通衢最關緊要請於此處設立守備一員把總一員駐劄防守添兵二百名仍歸鹽城管遊擊兼轄一體歸於漕標統轄時尙未設立專營也七年增添外委把總一員十年增添沙船二隻十一年改守備為都司專營隸提督軍門兼轄是為小關營所自始

都司一員 把總一員 外委把總一員 火器外委把總一員

馬戰兵二十名 步戰兵四十名 步守兵一百四十名 沙船二隻 唬船一隻 快船一隻

官兵二百名 歲支俸餉銀三千三百八十四兩九錢九分三釐九毫九絲九忽六微米七百二

十石內折米三百六十石
折色銀三百六十兩

營汛 管轄鹽城阜寧
二縣搭界地方

都司一員兼轄洋陸兩汛把總一員輪防陸地
墩汛即撥外委把總一員輪防外海洋汛

駐劄

都司一員駐劄草堰口把總一員駐劄流園浦
把總及外委把總二員駐劄草堰口俱係阜寧
縣地方

外又有海州東海二營屬漕標管轄應入海州志

今不載

舊統轄七營乾隆元年增設漕標中營又廟灣營
分出佃湖營鹽城營分爲小關營是爲十營

總督江南河道提督軍門

駐劄淮安府清江浦標下中左右三營及蕭營

兼轄山清裏河上營下營山清外河山安海防

高堰山盱山安上河下河桃源安清中河揚河

上營下營徐河南岸徐河北岸邵睢宿虹北岸

宿虹南岸桃源南岸桃源北岸宿遷運河葦蕩

河營共二十營屬在淮安各屬汛內者十一營

裏河上下二營外河營海防營山安營安阜營

高堰營山盱營中河營桃源南岸營桃源北岸

營

河標中營

係陸路營分

雍正十年總河嵇曾筠總督尹繼善題請設立

副將一員都司僉書一員千總二員把

總四員經制外委千總二員外委把總四

員火器外委把總二員馬戰兵二百三十

一名步戰兵二百二十九名步守兵三百

四十名共七百九十八名乾隆元年裁汰戰守

兵一百名現今實存兵丁六百九十八名官

坐馬三十匹兵戰馬二百三十一匹巡船

二隻

歲支俸餉乾銀一萬六千二百九十三兩四錢
五分一釐九毫九絲九忽二微 米二千五百
一十二石八斗內支本色米一千二百五十六
石四斗折色米一千二百五十六石四斗

營汛 管轄清江清河二汛地方

東至清江龍王閘起西至桃源三岔河標右營
交界止計程九十里南至盱眙縣范家庄泗州
營交界止計程二百一十里北至沐陽縣新興
鎮地方海州營交界止計程一百五十里週圍
共計程四百五十餘里以上清河清江二汛間
於黃運兩河之中並無城垣更有河庫錢糧監
倉庫獄催趨漕船巡緝地方之責且界連數州
縣道路綿長實水陸南北咽喉腹內陸路營分
之重地也

駐劄

建葢副都千把衙署八所俱駐劄清江浦地方
又駐防清河汛把總一員駐劄清河縣治協防
外委把總一員駐劄王家營地方

河標右營

原係漕標宿遷後營自順治五年設立於雍正
七年奉文改歸河標右營

遊擊一員 守備一員 千總二員 把總四

員 雍正十年添設千總一員 把總一員

馬戰兵七十四名 步戰兵一百一十四名

步守兵五百一名共六百九十一名 官坐馬

二十二匹 兵戰馬七十四匹 雍正十年添

設馬步戰守兵二百名共八百九十一名 官

坐馬二十六匹 兵戰馬九十四匹 乾隆元

元裁汰把總一員戰守兵一百名奉

旨徐徐料理

歲支俸餉乾銀一萬四千三百兩零米二千九
百五十餘石春冬二季係折色夏秋二季係本
色

營汛 管轄邳宿徐三州 地方

洋河汛千總二員把總一員駐防宿桃二縣地方
桃源汛把總一員駐防桃源城內地方
邳汛千總一員駐防新邳州城內地方宿汛
兼劉馬莊汛把總一員駐防宿遷縣城外地方
隅頭集汛把總一員駐防邳宿兩州縣地方
泅口汛駐防邳州泅口集地方

駐劄

遊擊駐劄桃源縣境內白洋河地方守備駐劄
宿遷縣俱係經制官署千總以下無官署各弁
俱自賃民房

河營

雍正六年總河齊蘇勒題請設立河營官兵
管修防統轄全河叅將一員駐清江浦分
管淮揚遊擊一員駐清江浦分管淮徐遊擊
一員駐徐州府

裏河上營

守備一員清江汛千總一員河口汛把總一員
轄戰守兵三百零七名內戰兵六十一名守兵
二百四十六名

裏河下營

守備一員平橋汛把總一員轄戰守兵一百七
十名內戰兵三十四名守兵一百三十六名

外河營

守備一員外河汛千總一員北岸汛千總一員
南岸汛把總一員上河汛把總一員轄戰守兵
七百四十名內戰兵一百四十九名守兵五百
四十一名

海防營

守備一員童營汛把總一員下河汛把總一員
南岸汛把總一員轄戰守兵五百六十三名內

戰兵一百一十三名
守兵四百五十名

山安營

守備一員安東汛千總一員上河汛把總一員
轄戰守兵五百五十四名內戰兵一百一十一
名守兵四百
四十三名

安阜營

守備一員下河汛把總一員北岸汛把總一員
轄戰守兵二百九十四名內戰兵五十九名守
兵二百三
十五名

高堰營

守備一員高堰汛千總一員高潤汛把總一員
轄戰守兵二百二十四名內戰兵四十五名守
兵一百七
十九名

山盱營

守備一員徐壩汛把總一員轄戰守兵二百二十四名內戰兵四十五名守兵一百七十九名

中河營

守備一員安東汛千總一員山清汛把總一員桃源汛把總一員轄戰守兵五百九十一名內戰兵一百一十九名守兵四百七十二名

桃源南岸營

守備一員龍窩汛千總一員烟墩汛把總一員轄戰守兵四百六十一名內戰兵九十三名守兵三百六十八名

桃源北岸營

守備一員崔鎮汛千總一員黃家嘴汛把總一員轄戰守兵四百四十六名內戰兵九十名守

兵三百五十六名
以上十二營共戰守兵四千五百七十四名

葦蕩營

係康熙三十八年經前河部院于成龍於歲夫
徒滋等事案内題設遊擊一員統轄左右二營
守備二員千總二員把總四員步戰兵三十名
守兵一千二百名每歲採割額柴一百二十萬
餘束調撥各河營浚船常川僱裝運交黃運各
廳工應用至康熙五十八年因蕩地淤墊不產
葦柴經前河部院趙世顯題明官兵一槩裁汰
蕩地給與兵丁領墾輪租至雍正四年經前河
部院齊蘇勒於請復採葦官兵等事案内以蘆
葦叢生題復叅將一員統轄左右二營守備二
員千總二員把總四員馬戰兵一百名步戰兵
三十名守兵一千一百名守兵在海山二州縣
官蕩內採割額柴一百五十萬束派撥各河營
浚船運交黃運各廳工用馬兵在於該管近海
官蕩內往來巡查奸宄至雍正九年於請

旨事案内經前閣憲嵇

調撥馬兵二十名守兵二

十七名歸併河標右營管轄又於雍正十一年
經前閣憲嵇 於蕩柴繁多等事案內加增
額柴二十萬束又於雍正十三年經前閣憲嵇
於清查蕩地等事案內題明將左營蕩地
坐落海州北潮河並龍窩蕩二處官地丈明共
地四千七百四十八頃零歸營右營蕩地坐落
阜甯縣黃河南岸官蕩共地五千六十四頃零
歸營裁汰馬兵二十名添設步戰兵二十九名
守兵二百二十七名每年加增額柴五千五萬
束叅將一員駐劄山陽縣清江浦地方統轄左
右二營守備二員左營守備駐劄海州境內右
營守備駐劄阜甯縣境內千總二員左右二營
各一員把總四員左右二營各二員馬戰兵六
十名左右二營各三十名步戰兵五十九名左
營三十名右營二十九名守兵一千三百名左
營六百四十七名右營六百五十三名各官騎
坐馬二十八匹兵戰馬六十匹左右二營各三
十匹兩營共蕩地九千八百一十頃八十七畝
零每歲官兵馬匹共支食俸餉米折草乾等銀
二萬二千餘兩在於河庫道按月支領每年採

割額正柴二百二十五萬束調撥各河管浚船二百五十五帮柳船二十隻又撥高堰石工告成歸公石船四十四隻交革管管轄募夫撐駕裝運前項額柴交貯王營減壩并洪福庄官廠各廳發船到廠轉運各工濟用革柴每束照購價銀二分共值銀四萬五千兩除給官兵俸餉等銀二萬二千餘兩之外節省銀二萬二千餘兩

右營

守備一員駐劄阜寧縣人和鎮地方管轄北蕩汎千總駐劄本管汎蕩入灘南蕩汎把總駐劄本管汎蕩二本樓西蕩汎把總駐劄本管汎蕩七巨馬戰兵三十名題明在於本管汎蕩近海之處往來巡查奸宄步戰兵二十九名守兵六百五十三名三汎官蕩東至海西至陡港南至後洋北至老堤黃河計地五千六十四頃六十一畝零每年督率步戰守兵採割額正柴一百五萬束運交各廳河工應用

左營

隸海州管轄
故不備載